

東

華

續

錄

光緒一百十四

臣朱壽朋敬編

臣張毓英恭校

五月壬午朔諭兵部左侍郎總管內務府大臣師曾年逾八旬步履漸形衰邁以原官休致惟念該侍郎平日當差勤慎著加恩賞食二品俸○甲申諭御史瑞良奏匪徒迎神進香收俗釀弊請旨禁止並嚴申門禁一摺據稱永定門外南頂地方廟宇向於五月間迎神進香男女雜還竟有公侯大員部院職官微服治遊其間致有馳騎車馬壓斃幼孩等情甚至永定門亦逾至亥刻始行掩門等語如果屬實殊屬不成事體著步軍統領衙門南城御史嚴飭該城司坊各官一體嚴行禁止倘敢明知故縱即行從嚴參辦並分飭各城門該管營汛員弁務當遵照向章按時啟閉以重門禁○命容貴為總管內務府大臣○轉巴克坦布為兵部左侍郎以壽陔為兵部右侍郎○邵友濂奏臺灣孤懸海島屏蔽七省設立行省外因海防內辦撫墾均須重兵擇要布紮訓練防守益原有三十一營十七哨屯軍五哨礮勇五哨練軍三營嗣因內山大料缺一帶社番滋事兵力單薄當經奏明添募四營以資兜剿計截至光緒十七年底止淮軍共三十五營十七哨屯軍五哨礮勇五哨練軍三營業經將官弁兵勇名數餉數及統領營官接

卸日期及駐紮處所按季分別開單造冊奏咨查核其修建西學堂基隆海口洋式砲臺臺灣等縣衙署監獄壇廟祠宇等項工程添購外洋器械以及一切籌辦情形均先經隨時分別奏咨在案茲據臺灣督後局司道詳稱臺灣籌辦海防善後并招撫事務自光緒十七年正月起到十二月底止海防善後報銷新收臺灣關稅鹽課盈平餘及巡緝等款銀一百五十五萬四千六百一十九兩零開除及給卹軍官弁勇夫辦公經費薪糧柴草工食碾勇輪船弁勇屯丁鹽糧水陸練兵薪糧公費隨營文武員弁及各局員役鹽菜夫折購買外洋軍火器械價值正腰站營兵工食修建西學堂書院洋式砲臺恆春縣城垣兵勇營房倉庫衙署監獄壇廟祠宇基隆社寮浮橋平船各工製造旗幟工料以及一切雜支各款共銀一百九十四萬六千五百三十六兩零或循照例章或接續支給或購自外洋格遵定章先已奏咨在案均係實用實銷委無絲毫浮冒應請全數准銷除新收銀一百五十五萬四千六百一十九兩外尚不敷銀三十九萬一千九百一十六兩零又光緒十六年臺灣防善後報銷案內不敷銀八萬六千一百四十兩零統共不敷銀四十七萬八千五百六十八兩八錢零實係欠給各軍弁勇光緒十六十七兩年分薪糧等銀容俟續收十八年起臺灣防經費即行分別給還等情前來臣覆核無異懇 恩飭部全數准銷以清款項下部議奏○乙酉諭總理海軍衙門奏琉璃料件逾期尚未解足請旨飭催一摺現在各處工程應用琉璃瓦

料該署入解數目甚多著工部嚴催該署飭備該商將欠解料件務於六月內一律解齊以重要工倘再藉詞延宕卽由該衙門據實奏參○諭倉場衙門奏倉廩不戒於火分別籌辦一摺據稱本月初一日未刻北新倉失火延燒光字空廩當卽撲滅請將該監督嚴處並自請議處花戶人等送部訊究等語北新倉不戒於火延燒空廩其中有無別項情弊亟應澈底根究所有該倉花戶人等著交刑部履行審訊務得確情按律懲辦著監督蔣英監督蔡蔭樞疏於防範著交部分別議處祥麟許應騞著一併交部議處○丙戌諭福潤奏已革知縣虧短交代銀兩請旨查抄監追一摺已革山東陽信縣知縣焦維霖前署惠民縣任內虧短正雜各款爲數甚鉅迄未完解實屬玩延焦維霖著卽監追提集經手書吏分別查明究辦一面將該革員任所寓所資財嚴密查抄並著兩江總督江蘇巡撫將該革員原籍家產一併查封備抵以重庫款○己丑夏至大祀 地於 方澤 上親詣行禮○乙未諭軍機大臣等有人奏山東招遠縣掖縣盜風日熾掖縣城東滕家村滕廷翼家今春被盜搶門入室搶劫財物鎗斃僕人刀傷事主兩縣似此盜案甚多十無一獲曾經該處村民稔盜一名送縣並不審訊竟自開釋等語著福潤嚴查懲辦據實具奏原片著鈔給閱看將此諭令知之○丙申諭御史張仲忻奏本年考試試差纒爛者竟有十數人之多遲至戊辰三刻始

舉請飭申禁等語向來試場不准燭例禁嚴至各項殿廷考試尤宜恪守成規若如該御史所奏尚復成何事體嗣後殿廷考試著王大臣等認真稽查嚴行禁止以符定制○李鴻章奏臣於上年三月間籌議熱河善後事宜以亂後伏莽未淨酌留古北口練軍各營擇要分駐巡防奏明在案該軍本係提標抽練動旅近歲海防關係重要提督常駐蘆台所部練軍五營先有一營出駐朝陽一營留駐古北口其餘三營均調赴蘆台駐紮環顧大沽口北塘口後路未便久留塞外致海口要地轉覺單寒竊維熱河地方周圍二千餘里東連秦吉西接多倫北近圍場實爲京畿屏蔽該處流民四集客匪錯處向多馬賊出沒每以數十騎聯鑣疾走到處劫掠飄忽異常兵燹之餘蒙漢積仇未解民教構釁相尋時欲乘機起事疊據留防各將領稟報隨時訪拿嚴辦迄未能淨絕根株建威銷萌全在兵力臣悉心體察非有常駐之主兵不足以資鉅攝非練得力之馬隊不足以備搜巡伏查直隸練軍馬隊章程係前督臣曾國藩及臣先後斟酌奏定餉章營制損益得宜迄今二十餘年各營遵守規條操巡認真緩急可恃上年剿辦朝陽教匪尅期掃蕩全賴練軍之力成效昭然現擬仿照辦理就地抽練馬隊專爲熱河防圍之兵全瀋地面太廣防範本屬難周僅練一營則不敷分布若練兩營則餉需過鉅難於支持惟有因地制宜酌量變通期於餉項可以節省而兵力又能兼顧查承德瀋平豐齊圍場爲河屯協副將汛地平泉建昌朝陽赤峯

爲八溝營參將汛地均隸於古北口提標其弁兵素習地利尚能耐苦鑿與都統臣聖斌提督臣葉志超往返籌商擬於該兩營內每營抽調精壯一百五十名各練成馬隊一旗分爲三哨卽以該副將參將爲管帶現署副將譚興魁署參將汪隆元俱久任邊缺曉暢營務可期得力官則原營兵皆土著配給精利鎗礮督令認真操練平時查拿奸宄緝捕盜賊一遇有警刻發夕至便於赴機戰之添練客兵實爲事半功倍該營兵將本謀提標仍由提督督飭訓練有事則歸都統節制調遣與原有朝陽馬隊一營及圍場之馬隊百名互爲援應足壯聲威俟成軍後卽可將新派出防之蘆台練軍察酌情形陸續撤回如此則邊防常有精練之師而海防亦無空虛之慮洵爲永遠至計現兩旗管帶卽是本營將領以後必須慎選精悍能戰之將俾充是職月支薪水公費馬乾等銀應照練軍奏定章程各半支領字號薪水照軍減一兩五錢其幫辦官哨官督隊等官薪水馬乾及什長親兵正兵等口糧馬乾均照章給發計馬隊六哨大建月需薪公餉乾柴草等銀二千七百二兩有奇小建月需銀二千六百二十四兩有奇每歲約共需銀三萬一千九百六十餘兩除原有底餉銀五千一百六十八兩五錢二分抵支外實需添撥銀二萬六千八百餘兩直隸銅源進極文斌事關邊防大局自應竭力代籌此項應添餉卽飭由練劍局設法勻撥徑給該管帶官領放以歸劃一至成軍之初製辦旗幟衣等項照章由局核給一次此卽由管帶官

自行設法修換其兵丁馬匹贖價銀照章由局暫借在各兵應領餉項內分月扣還統由練局彙案造報
得 旨如所請行○丁酉 上諭 大高殿祈晴○戊戌兵部右侍郎沈源深卒賜卹如例○辛丑以會
章爲內閣學士○依克唐阿奏 奴才准會典館咨欽奉 上諭開辦會典所纂圖說於直省沿革疆域大
度城署山水鄉鎮屯站各條均須詳實查照龍江送到十冊所開多有未能詳細並一書逐層指駁二十
一條並附表格式樣以爲程式咨行込派幹員分投取勘詳查比較踰度嚴催趕辦以期確實等因前來
當卽通札各城一律派員遵照趕辦去訖據各城報送遵照館咨附表格程式繪造圖冊到省隨飭承
辦各員細加核對所有黑龍江墨爾根呼倫貝爾興安城布特哈五城圖冊均屬未能詳實且與程式仍
多不符其天度一條無人通曉未經照辦而呼蘭巴彥蘇蘇北團林子三城圖冊亦未能急切照辦 奴才
伏念奉 旨欽辦事件未便以本省無人通曉天度敷衍遷就當卽電致天津代訪精於測量之人北來
襄辦地勢踰度惟黑龍江幅員遼闊山則有內興安嶺正幹自喀爾喀車臣汗科爾沁部界之柔約爾濱
山東入呼倫貝爾界其支幹或分或合環繞於黑龍江右岸松花江左岸爲五城盤輿之山諸河發源之
本其脈絡聯綿或起或伏寬厚有千餘里者有數百里者不等長大總在六千餘里其間重岡疊嶂亂草
叢拔樹木蔥蘢溪澗錯雜不可勝計水則有黑龍江松花江額爾古訥河克魯倫河環繞三面爲全省諸

水歸宗巨川計其長遠亦在萬里之外其中之嫩江海拉爾河喀爾喀河漢河瑚爾河呼蘭河伊春河諸大水悉發源於嶺之四面水之小者千派百流盡行匯萃而注之江湖其源頭流過龍口各地方均屬不能切實且秋冬積雪堅冰至四五尺行人不能踐履春夏泥濘坑澁深莫能測又兼大河新渡阻隔不通實爲人跡難到之區今既派員分往周歷勘必須相機前進親臨山麓水源所在方能測其水之深淺山之高斜上與天度符合繪圖註說乃能得實然事爲地限人力亦有不能施將來承辦各員任此艱難事件能否悉合館章非奴才所敢懸揣卽使往返取勘詳實測繪或與表格程式大致相近而逐條按圖核對詳註總分各說尤非朝夕所能竣事合無仰懇 天恩俯念邊省地方曠遠創辦測繪圖冊事事維艱相應請 旨寬予展緩限期容 奴才督飭測繪各員分往各城按照館章測量繪成圖冊再當派員送館得 旨如所請行○乙巳命慎塔布管理戶部三庫事務○諭軍機大臣等有人奏書吏交結訟棍請飭拿辦一摺據稱直隸通永道衙門書吏諸錫庚交結訟棍張乃庚趙和順等同謀造意囑令囚案張逃之永平府民人王鴻遠搜控商民李天爵諸錫庚賄託委員楊春元將李天爵監禁數月並不審訊張乃庚趙和順現在宣武門外鐵門峻太承煤棧藏匿等語所奏如果屬實亟應拿究懲辦著李鴻章孫家鼎孫樹按照原參各節確切查明據實具奏○己酉李鴻章奏北洋海防用款前經總理各國事務衙門

會同戶部奏明由督辦大臣咨報總理衙門戶部查核嗣於光緒九年八月部議行令三部分銷歷經循照辦理自十五年正月北洋海軍各船俸餉悉遵海軍衙門奏定章程分別開辦經臣奏明遵照新章收支另作起訖以清界限已將十五年第一案收支各款造報內有兵部行查各款業經另文登覆餘均奉部准銷在案茲據海防支應局司道詳稱十六年分第二案收支北洋海軍經費仍照新章接續造報前已將新支及更定各款照章造册詳咨立案聲明舊有支款毋庸再行立案計十六年分北洋海軍報銷第二案舊管項下截存銀八萬六千六百六十七兩零新收各省關解到稅釐銀一百三十八萬七千八百八十兩零又各處解還領用軍火價銀一千六百九十五兩零准餉協撥行營製造局造子薪工及電報學堂經費銀二萬三千九百三十兩零北洋電報官局收繳商報信費銀一萬二千五百二十六兩零扣存京平平餘銀三萬六千三百六十八兩零收回十五年分兵部刪查駐鴨四蚊船並敏捷船礮弁及海軍學生劉晉選薪糧等項銀一千八百四十四兩零共新收銀一百四十六萬四千二百四十六兩零連舊管共銀一百五十四萬四千九百十三兩零內除扣存平餘銀三萬六千三百六十八兩零係應解海軍衙門之款即在十七年應領銀兩等七船備用款內劃抵歸入七船案內列收造報又天津機器局十六年添造新式長礮鋼彈栗色火藥經費銀四萬兩由該局自行造報分別照數登除外實計收用銀一

百四十六萬八千五百四十五兩零開除項下應歸戶部核銷各款內水雷魚雷等營共支銀五萬七千三百一十二兩零學堂船塢電報醫院各局廠等處員弁人等共支銀二十萬七千九百二十二兩零學堂船塢砲臺練軍等處僱用教習洋員共支銀三萬七千八百二十四兩零出洋學生及雜支等項共支銀九千一百七十一兩零准餉協撥造子薪工及電報學堂等項共支銀二萬二千八百四兩零應歸兵部核銷各款內海軍員弁兵勇俸餉共支銀二十八萬一千三百四十四兩零各海口及內河輪艇共支銀四萬九百二十五兩零各兵輪僱用教習洋員共支銀五萬一百九十七兩零郵費運腳等項共支銀四萬一千五百九十八兩零應歸工部核銷各款內采買等項共支銀四十六萬二千八百七十六兩零各項工程共支銀五萬七千二百三十兩零各處修理共支銀四萬三千三百二兩零各項製造共支銀十一萬三千五百二十九兩零統共支銀一百四十二萬六千三十八兩零其餘銀四萬二千五百六兩零已接支十七年以後用項無存備案造具三部分銷細冊收支四柱總冊開具款目清單詳請奏咨核銷前來臣查十六年分北洋海軍經費係由海軍衙門按常年額支之款核定指撥以供計授要需遇有必須添購要件添建要工不在歲撥數內者照奏定章程本應另請添撥惟海軍衙門同一艱窘深恐籌措爲難姑由工需雜支項下截長補短竭力騰挪湊辦值此時艱餉絀非特新增用項必加詳審卽舊有支

欵亦由臣督同在事各員隨時考察可省卽省至常年操防應購外洋軍械器具等項其費既巨竊尤必多方比較始行訂購惟海軍一切用欵並無例案可循亦非他項軍需可比臣覆加查核均係實用寶銷並無絲毫浮冒報聞○是月德意志國新簡駐華使臣紳珂抵任○奧大利亞國使臣畢格哩本回任

六月壬子以術汝費爲甘肅寶泉銀總兵○乙卯世鐸等奏本年二月二十六日內閣奉 上諭據總辦

萬壽慶典王大臣世鐸等會同內務府奏請恭查乾隆年間歷次慶典自西華門至西直門將兩旁街

道鋪面量加修葺並搭蓋經壇戲臺分段點設景物各在案明歲恭逢 皇太后六旬萬壽可否照案辦

理請旨遵行一摺朕謹授成案竭誠籲懇欽奉 慈禧端佑康頤昭豫莊誠壽恭欽獻皇太后懿旨西直

門外關廟一帶及城內躍路所經著平治潔淨兩旁鋪面房間稍加修葺至點設景物等項著相度地勢

酌量辦理不得踵事增華致滋糜費欽此朕仰承 慈旨欽悅寶深卽著該王大臣等將一切應辦事宜

敬謹妥議具奏欽此臣等遵卽相度地勢分別酌辦除俟查勘明確另行專摺具奏請 旨遵行外敬查

乾隆年間歷次 慶典王公大臣以及京外文武官員各效微忱經 欽派大臣將大小臣工願輸經費

分別開單進呈仰邀 俞允在案明歲恭逢 慈禧端佑康頤昭豫莊誠壽恭欽獻皇太后六旬萬壽

天同慶凡屬中外大小臣工皆願祝 嘏輸忱共襄 盛典臣等查照乾隆年間成案酌擬數目開具清

單額祗天恩俯如所請庶冀私衷稍伸萬一至應交款項臣等公同商酌在京王公及文武大小官員均在戶部呈繳其外省文武官員所交之款卽於各省藩庫運庫織造關稅等庫就近存儲聽候戶部提解統由臣等隨時支取備用再查乾隆年間各省鹽商皆有捐輸款項由各督撫奏明請旨准其報効以遂衝歌巷舞之忱此次各該商衆如有照案呈請者應由各督撫據實奏聞請旨遵辦得旨如所議行 報効清單 親王郡王貝勒貝子公將軍共銀四萬三千六百兩宗人府內閣各部院寺滿漢文職各官共銀九萬四千八百兩侍衛處鑾儀衛八旗滿洲蒙古漢軍前鋒護軍團圍八旗內務府三旗健銳營火器領綠步各營滿漢武職各官共銀六萬八千四百兩公侯伯子男輕車都尉騎都尉雲騎尉恩騎衛滿漢總管各官共銀五萬七千一百兩以上共報効銀二十六萬三千九百兩直隸省共銀五萬七千兩江寧省共銀三萬五千八百兩江蘇省共銀三萬五千六百兩安徽省共銀三萬三千五百兩山東省共銀五萬六千一百兩山西省共銀五萬一千五百兩河南省共銀五萬八千四百兩陝西省共銀二萬九千三百兩甘肅省共銀六萬六千五百兩新疆省共銀四萬六千八百兩福建省共銀四萬五千兩臺灣省共銀一萬三千四百兩浙江省共銀四萬三千三百兩江西省共銀四萬一千二百兩湖北省共銀四萬三千六百兩湖南省共銀四萬四千九百兩四川省共銀六萬一千八百兩廣東省共銀六

萬四千五百兩廣西省共銀三萬一千七百兩雲南省共銀三萬二千六百兩貴州省共銀三萬七千六百兩奉天省共銀五千七百兩吉林省共銀三千兩黑龍江省共銀一千兩熱河共銀三千二百兩以上共報効銀九十四萬三千兩統計京外各官共報効銀一百二十萬六千九百兩得 旨覽○丙辰熱河都統廷斌卒賜卹如例○丁巳以慶裕爲熱河都統○戊午諭吳大澂奏災區待賑請撥帑銀一摺湖南醴陵縣等處上年收成歉薄本年春間又苦旱乾饑民待哺孔殷亟應妥籌賑撫現經吳大澂先行借撥贖金銀二萬兩派員購米分投賑濟著由戶部卽行籌撥銀三萬兩交吳大澂分別歸還墊款並撥往災區飭屬核實散放毋得假手書吏稍滋弊竇以副軫念民艱至意該部知道○上諭 奉先殿 壽皇殿行禮○庚申 上御承光殿德國使臣紳珂覲見呈遞國書○癸亥 上諭 大高殿祈禱○甲子以唐景崇爲翰林院侍讀學士○乙丑諭京師近日以來雨勢連綿不止十二日復大雨滂沱連宵達旦誠恐河流驟漲近畿一帶禾稼受傷著直隸總督順天府府尹查明各屬被災之處妥籌賑撫迅卽馳奏京城內外倒塌房屋處所如傷倒人口並著步軍統領衙門順天府確切查明迅速奏聞以慰厯系○丁卯上詣 大高殿祈禱○松蕃奏曹安直隸妖匪劉蕪飛滋事攻撲臨城被兵圍堵判立解城隨餘賊潰逃經臣等將大概情形於四月十三日恭摺具陳在案茲於五月二十四日由軍機處夾板遞回原摺奉

殊批卽著嚴拿匪首劉燕飛等務獲懲辦並將餘匪搜捕淨盡毋任漏網欽此欽遵_臣等前於四月初五及三十四等日據署曹安驛同知戴斐章陸續稟稱匪首劉燕飛自三月二十九日被圍剿擊敗後該匪竊一由南里豆腐坡小山營馬坡逃竄一由北里白家坑水塘堡高利堡逃竄官軍圍剿或截擊來路或追剿後尾均有斬獲賊勢漸感退踞得勝營歸順營兩處並分竄屬南紙廠十里坪南俄十寨一帶四月初四日戴斐章會同分統劉仕旺派令曾光勝進攻歸順營圍首劉雲漢陳勇廷楊起鳳進攻得勝營立將兩處賊巢攻破生擒僞都督何馬掌一名陣斬賊匪一百二十餘名奪獲黃旗黃布號片多件解散脅從七百餘名我軍亦陣亡七名帶傷十一名初五初六兩日游黔援兵先後到屬安義鎮標練軍管帶馬定邦迎剿紙廠一帶格斃吳興舜等五名餘衆四散追搃提標練軍管帶譚盛高撫標練軍管帶潘輔漢各率所部追剿南俄十寨等處安南營練軍管帶池有連亦帶隊前往吳水城交界之哥格子口防剿賊匪均聞風先潰逃竄屬東一帶經曹安縣知縣劉保厚派團堵截陣斬匪目何中心崔小有楊狗三名餘衆四散屬之東北南三路匪黨悉平其另股由屬西竄入滇境先經平彝縣知縣黃汝讓親帶團勇於松子山架格山一帶防禦適雲南管帶綏靖中營練軍遊擊黃呈祥路經該處探知賊蹤與黃汝讓會兵擊之屬屬西路股匪亦全數肅清維時劉逆以脅從人等自潰敗後俱已解散遂率悍黨十數人意

欲潛渡紅水江入粵糾約再舉因練營團勇分堵要隘層層密布無隙可逃乃盤旋於普安安南與鹽三州縣交界之巖頓寨地方經安義鎮臣蔣宗漢偵探劉逆等藏匿處所派令隨員蔣開齡中軍守備何其榮等會同提臣所派候補都司王錫吉普安縣知縣劉保厚密飭團首孔金山杜僕臣等於四月十五日在冬瓜坡將首逆劉燕飛並偽帥譚過金僞侯孫在亭三犯一併拿獲二十二日淮安義縣咨報前來隨於二十九日派弁兵押解來省當經督同司道提犯訊明劉逆供係四川人潛來巖頓始則捏造妖言繼以邪術塗面令人於黑暗中覘視瞻矚有光詐稱金龍出現鄉愚詫為神奇因此信從者眾遂自立僞號封為僞職並與譚過金孫在亭供認謀逆攻城等情不諱當即恭請 王命將該三犯綁赴市曹凌遲處死傳首犯事地方懸竿示眾以彰 天討而快人心臣已擬就發從罔治告示徧發張貼並諭逃避良民急早歸農禁止團練藉端滋擾現據該處文武及各營稟報地方一律肅清籌辦善後清查保甲諸事已漸就緒臣等伏查該逆首劉燕飛以妖言倡亂聚眾數千攻城勢甚兇熾其中率多良民被其誘惑迫經兵團擊敗眾識奸謀除甘心從逆者多被斬擒餘俱畏悔四散此皆仰賴 天威遠播鄉團忠勇將士用命力保危城卒使巨魁就擒餘匪殄滅兼旬之內事定民安雖逆黨保老四等尙待稽誅而兵團戮力同心不無微勞足錄所有在事尤為出力文武紳團記名提督安義鎮總兵蔣宗漢擬請交部從優議敘候

補參將曾光勝擬請以副將儘先補用雲南署平彝縣事南寧縣知縣賈汝讓擬請免補同知直隸州以知府在任候補曹安縣知縣劉保厚擬請加同知銜並 賞戴花翎候選知縣蔣關齡擬請以知縣分省補用並加五品銜補用都司王錫吉擬請以遊擊留黔補用安徽鎮標中軍千總何其榮擬請以守備升用並加都司銜貢生就職州同龍應門擬請以知州歸部選用歲貢劉雲漢擬請以州同歸部選用六品軍功柳家修擬請以把總儘先拔補龍應門劉雲漢柳家修並請 賞戴藍翎以上仰懇 天恩俯准給獎其陣亡候補都司徐炳文應請 敕部從優議卹其餘出力文武員弁可否容 旨等擇尤彙案請獎得 旨將宗漢等均著照所請獎勵餘依議該部知道○戊辰諭張煦奏查明應州等州縣上年被災較重請將應完本月上忙錢糧秋後應徵米豆及帶徵民欠各項分別緩徵遞緩等語上年山西應州等處成災較重其未經報災村莊逼近災區小民謀食不遑情形亦甚拮据若將應徵錢糧照常徵收民力實有未逮加恩著照所請所有應州四鄉村莊應徵光緒十九年分上忙錢糧著緩至秋後併徵其秋後應徵米豆著緩至次年帶徵至上年成災八分之蘇家寨等六十村並大同縣寄莊之閻家堡等二村成災七分之西輝耀等三十四村並大同縣寄莊之王家莊一村成災六分之義井村等三十一村蠲餘錢糧米豆等項原緩至光緒十九年秋後起分作三年二年帶徵者均著遞緩至二十年秋後起分年帶徵款收

之劉家莊等十八村民欠錢糧米豆原緩至十九年麥後帶徵者著遞緩至二十年秋後帶徵南馬莊等五十八村尚有十八年上忙尾欠暨未完下忙錢糧米豆著緩至二十年秋後帶徵大同縣謝家店等二百九十村莊應徵十九年上忙錢糧著緩至秋後併徵其上年被災之謝家店等七十三村莊闕餘錢糧米豆又徵收之二對審等二百七十七村民欠十八年下忙錢糧米豆並未完光緒十四十五十六十七等年錢糧米豆原自十九年秋後帶徵並分年帶徵者均著遞緩至二十年秋後分別帶徵懷仁縣四鄉村莊應徵十九年上忙錢糧著緩至秋後併徵其上年成災之草地等三十八村莊並大同縣寄莊之小灘頭王家莊二村闕餘錢糧米豆原自十九年秋後起分作三年二年帶徵並徵收之西小寨等七十九村未完十八年分錢糧米豆原緩至十九年麥熟後徵者均著一併遞緩至二十年秋後分別帶徵山陰四鄉村莊應徵十九年上忙錢糧著緩至秋後併徵其成災村莊闕餘錢糧米豆並徵收村莊民欠錢糧米豆原緩至十九年秋後帶徵並分年帶徵者均著遞緩至二十年秋後分別帶徵代州偏近災區未完光緒十八年下忙錢糧米豆著緩至十九年秋後帶徵其未完光緒十七年分米豆著遞緩至二十年秋後帶徵保德州四鄉村莊應徵光緒十九年上忙錢糧著緩至秋後併徵右玉縣上年徵收各村民欠十八年未完錢糧米豆著緩至十九年秋後帶徵左雲縣四鄉村莊應徵光緒十九年上忙錢糧並帶徵

舊欠著一併緩至秋後併徵薩拉齊總土默特六成官地內之河東三局民欠未完十八年分止耗租銀
著緩至十九年秋後帶徵和林格爾廳物字等里正藍等旗各村並民欠未完十八年分租銀米石著緩
至十九年秋後帶徵以紓民力○己巳以姜桂題為雲南鎮元鎮總兵○諭崧蕃奏已故知縣虧短米價
銀兩請旨革職查抄等語已故貴州前署畢節縣知縣候補通判黃道安該部查抄秋糧餘米變價銀兩為數
甚鉅勒限完繳仍未齊清該家屬輒回原籍殊屬玩延黃道安該部查抄秋糧餘米變價銀兩為數
家產嚴密查抄備抵一面勒限嚴催該家屬趕緊完解以重庫款○庚午以保年為京口副都統○命穆
隆阿為索倫領隊大臣○辛未以吳鳳桂為湖北提督韓晉昌為湖南松靜鎮總兵○諭步軍統領衙門
奏遵查京城內外兩後倒塌房屋傷斃人口大概情形一摺所有現經查報之左右翼及中營等處傷斃
之十三名口著該衙門酌給賞卹此外如有續行查出者即行照此次賞卹一律奏明辦理○癸酉諭前
因京師雨水過多居民禾稼受傷當經順天府尹等查明各屬被水情形迅速具奏茲據孫家鼐等奏
稱近畿東南一帶被災較重迭據順天寶坻武清薊州霸州香河房山等州縣查報所屬地方山水陡發
各河同時並漲田廬淹沒傷斃人口業經分別委員賑撫請撥穀米等語近畿猝遭水患小民湯析離居
殊深憫惻著照所請先於六門開設粥廠於孫河定福莊馬駒橋黃村龐各莊盧溝橋六處一律設廠加

恩賞給京倉米一萬石卽行分領煮放以資急賑著派河顧徐承煜岑春煊劉恩溥戴壽田我霖分往孫河等六處稽查彈壓妥爲散放各地開賑所需經費銀千兩著戶部照數撥給其尙未稟報之東安永濟兩縣卽著孫家蕪孫樹飭令該縣等趕緊詳查毋稍漠視餘著照所議辦理○乙亥諭本年入夏以來雨水過多順直各屬災區甚廣小民流析離居深堪憫惻加恩著將奏天粟米一萬四千四百餘石並江蘇河運漕米五萬石江北河運漕米五萬石撥給備賑其隨漕輕糶等項銀兩並著查照成案截留直隸作爲津貼賑需李鴻章務當遴委委員分別被災輕重核實散放不得使吏胥稍有弊混用副朝廷軫念民艱有加無已至意○李鴻章奏本年入伏後大雨時行河流漲發迭飭各河道認真防護節錄永定河道萬培因稟稱五月二十八日起至六月初二日河水陸續增長拍岸盈堤兩岸險工迭出經該道督飭屬汛各員竭力搶護甫臻穩定初八日以後連宵達旦大雨如注堤外滲水數尺至十二日河水長至二丈三尺已有全河莫容之勢十三日寅刻兩勢益疾風力亦狂山水忽又暴發排山倒海而來浪高蘆溝橋頂者丈餘橋上東西石條衝走數十塊該橋進上西岸石堤衝倒四十餘丈其漫流由稅局後力破土山直趨蘆溝司所管之南岸石堤三號外幫將灰土後俄衝塌四十餘丈溜勢衝擊中僅一綫石堤岌岌猶存幸兩面搶護得力尙屬無事蘆溝橋東雁翅漫水灌入拱極城其下石埧亦間段過水正河大溜建飯

而下充初兩岸水高堤頂數尺南上汎之三、四號，十四、五號，北上汎之五、七號，北中汎之九十號，北下汎之頭號至五號，並接連通上之北中汎。京號同時漫溢，水頭所至人夫牲畜房屋衝去無算，實為非常之奇災。非人力所能挽救。現在北上汎之五、七號，北中汎之九十號，堤外帶塘墜硬衝刷不動。設法搶堵漫流，漸歸河槽。北下汎之頭號至五號，漫流僅寬十餘丈，溜亦微弱。統計北岸過水尚屬無多。惟南岸河流側注，南上漫水之處，溜勢湍急，刷成深槽。將來勢必奪溜，稟請多辦前來。臣查永定河身久經淤高，兩堤全係沙土，汎漲卽虞潰漫。若論治法，必改河築堤，方可安流。順軌無如巨款難籌，民情不順，祇能隨時營力補救。歷來河水如在二丈以下，尚易守護。倘過二丈以外，河身不能容納，必致氾濫。旁流本年入伏以後，大雨連旬，山水奔注，直如三峽倒瀉。石景山水誌二丈四尺，此次河流狂漲，高過水誌數尺。竇較往年為更大。驚濤駭浪，高出堤巔。南上北中北下各汎同時漫溢，洵為非常奇災。委係人力難施。北岸過水無多，可冀斷流。惟南上衝刷深槽已成，奪溜之勢自須分別參辦。應請旨將汎員南上汎霸州州同周霖，第革職留工効力。署南岸同知正任北岸通判蔣廷舉，革職留任。其北岸過水無多之汎員，署北上汎武清縣縣丞候補主簿薩多訥，北中汎武清縣縣丞翟鼎升，署北下汎宛平縣縣丞王恩圻，均革職留任。屬員石景山同知張恩爵，摘去頂戴。該道蔣培因統轄全河疏於防範，應請革職留任。臣督率無

方請 有交部深慮伏秋大汛爲日正長上游各堤嚴飭加意防護毋得再有疏虞仍俟水口坐定何處
稟報核辦並先盤築裏頭以防緝場一面由 臣 遴派熟習工程大員前往詳細勘估籌辦並設法撥款濟
用其過水成災村莊會商府尹 臣 一體確查撫恤 上諭李鴻章奏永定河堤工漫口分別參辦並自請
議處一摺本年入伏後大雨連綿永定河水勢盛漲險工迭出六月十三日兩勢過急山水暴發所有南
上汛之三四號十四號北上汛之五號七號北中汛之九十號北下汛之頭號至五號並連連上之北中
汛末號同時漫溢該管各員疏於防範實屬咎無可辭南上汛霸州州同周榮第著革職留工効力署南
岸同知正任北岸通判蔣廷舉著革職留任署北上汛武清縣縣丞候補主簿薩多訥北中汛武清縣縣
丞程鼎升署北下汛宛平縣縣丞王恩圻均著革職留任石景山同知張恩爵著摘去頂戴永定河道萬
培因著革職留任李鴻章著交部議處該督務當督飭在工員弁將南北汛各口門迅即堵築不得稍有
疏忽所有被災村莊卽著該督迅速查明妥籌撫恤毋令失所○丙子 上諭 慈寧宮行禮御 乾濟
宮受賀○戊寅 萬壽聖節祭 太廟後殿道隆懋行禮

秋七月辛巳朔時享 太廟 上親詣行禮○壬午諭河顧等奏煮賑米石務期一律乾潔請飭倉場侍
耶認真辦理一摺孫河等大處分設粥廠民命攸關此項賑米豈容稍有攙雜著倉場侍郎嚴察各倉監

督務須悉心挑選一律乾潔倘有不堪煮食之米卽將該倉監督及倉混承領之員據實嚴參並將花戶交刑部治罪以期實惠及民另片奏前撥順直備賑之奉天粟米一萬四千四百餘石內應撥順天若干石請飭李鴻章咨明順天府等語著李鴻章迅速咨明孫家鼐派員領取分撥各屬以資散放○癸未崧駿奏杭州府西中東三塘前辦搶堵石塘缺口案內建築西塘致字號起至中塘新列淵字號止大龍頭一帶柴塘托壩埭等工坐當迎潮頂衝高寬闊厚倍於他處大龍頭挺立中流每遇大汛潮頭撞激激起狂浪較之他處各工實屬異常喫險歲時修費有增無減前經奏明山工部議准自同治八年起每年另籌歲修銀二萬兩專指此項工程之用查光緒十七年分春潮頗旺兼之東南大風不時猛作潮乘風勢已形洶湧霽令之際濤雨滂沱山水泛漲急溜以注伏秋兩汛風潮鼓盪縱橫搜擊勢益奔騰念汛適新漲浮沙中流橫互東南兩潮至此區撞過沙阻渴衝為數起至鎮汛迤西復合而為一浪花捲擄高與簷齊直漫塘壩以致埭坦柴壩各工間多潑損埭節節據該委員擇要估修屢勘西塘翁家埠汛兩虹堤三號埭坦工長四十四丈五尺柴壩工長三十丈並前托壩一道或柴格激斷埭節或埭深至底附土亦間有坍塌該工修整挺立中流迎潮頂衝情形最為危險尚限已逾自應分別拆築加鑲以資捍禦由該承辦委員次第估計撥印承辦統約估需工料銀一萬九百八十兩零所備經費均由塘工總局於歲額

釐金暨鹽課綱息各項下分別動給下工部知之○松峻奏浙江省嘉興府屬海鹽縣境隴大海全恃石塘以衛民舍田厥葺建工長四千六百餘丈自經兵燹大半坍塌嗣經陸續修築四百餘丈光緒十二年勘照應修石塘二千餘丈節經修復知字等號九百餘丈尙有未修石塘一千餘丈歷年既久坍塌愈甚情形日險自當亟籌修葺惟工長資鉅籌措爲難擬將塘工加抽絲捐抵充歲修餘款累年積存洋十萬元計數先行開辦此後隨時籌撥次第興修等情經藩司劉樹堂於上年護理巡撫任內奏明在案嗣經奴才督同杭嘉湖道王祖光親臨履勘得該塘自率字號西八丈起至王字號止坍塌石塘共八十五丈情形均屬緊要自應趕速修理飭據塘工總局司道札委海防營守備湯廷熊會同署海鹽縣知縣侯璋森暨該邑紳士內閣中書徐用福逐細核實勘估去後茲據復稱此項石塘委因歲久失修歷遭風潮衝激底橋窳朽以致坍塌日甚情形危險其塘外葺建坦水早已坍塌無存必須隨塘建復以資擁護督匠分別核實確估查率字號四八丈實字號二十丈歸字號二十丈王字號二十丈共十六層大石塘工長六十八丈均已坍塌至底應請一律拆修除原存舊石抵用四成有奇外每丈約估銀六百九十餘兩又字字號二十丈乃字號二十丈服字號二十丈衣字號二十丈裳字號東二丈又魚鱗塘次東三丈共坍塌十六層大石魚鱗各塘八十五丈應請一律補葺添石理砌每丈約估銀一百七十餘兩又率實歸

王四號隨塘建築塊石壩坦六十八丈約估銀五十七兩零字乃服三號隨塘建築塊石單坦六十丈每丈約估銀二十八兩零並將塘後附土一律挑築培護統共約估工料銀六萬七千八百餘兩併聲明所需工料銀數悉照成案估計繕摺稟由塘工總局司道覆加查核前項坍卸石塘均屬尤爲險要之工自應先行分別修砌以資保衛所估工料銀數核與歷辦成案相符應請照估於累年積存加抽絲捐塘工經費項下撥給辦理至其餘坍損工段容俟續籌有款再行確勘估辦以復全工等情據塘工總局司道會詳請奏前來奴才覆查無異下工部知之○以駿奏光緒十七年分春潮頗旺霍令之際霪雨滂沱伏秋兩汛風潮鼓盪以致三防限外埽坦石坦並海甯州大山圩條塊石塘等工間多激卸坍塌節據總局備將前項埽坦石坦照章擇要修辦其大小山圩石土工程從前本係民捐民辦兵燹後因民力拮据遂由官辦爲遇風潮損壞歷經該州稟由塘工總局委員勘修造報此次復據該州稟報激損先曾由局委勘確實隨飭派前署海防營守備沈裕增會同該州核實興辦所需經費即在光緒十四年奏准酌定三防歲修附列之大小山圩等處銀款內動給工竣由道彙案造報嗣據三防廳備先後稟報經前署杭嘉湖道王景澄現任杭嘉湖道王祖光督同節次履勘得西塘自李家汛西道字號起至翁家汛汛騰字號止計共埽坦工長二百十三丈中塘自翁家汛汛官字號起至戴家橋汛絲字號止計共埽坦工長四

百一十丈五尺東塘自戴家橋汎似字號起至尖山汎字號止計共頭二層條塊坦水工長四百二十丈六尺埭坦工長一百五十一丈一尺頭二層塊石坦水工長一百二十八丈單層塊石坦水工長十八丈八尺又據委員等確勘海甯州境內大山圩第十四十五十六段條塊石塘一百四十丈以上各工或柴橋激卸或條石掀起關橋激斷塊石漂失甚至坍深瀾濼附土激卸情形均屬險要自應分別修築理砌挑填以護塘身而衛田廬其埭坦仍令查照歷屆成案辦理由前任西防同知趙鳳恩中防同知胡嗣福東防同知高英升署海防營守備湯廷熊前署海防營守備沈裕增等先後報由該道等核明飭辦統約估需工料銀四萬七千七百二十餘兩卽由塘工總局於歲額釐金暨鹽課綱息各款內分別動支核扣部平等款給辦工竣飭委杭州府赴工驗收在案茲據布政使杭嘉湖道飭據各工員將承辦工段字號丈尺做法銀數開摺核明會詳前來奴才覆查無異下工部知之○甲申論軍機大臣等給事中余聯沅奏京城糧價日昂請設法平糶一摺近畿一帶大雨過多河水漫溢田禾被淹以致京師糧價日昂小民日食維艱允宜早爲籌撥著孫家鼐孫毓汶趕緊設法籌款平糶所需南米並著李鴻章設法運京以資接濟○乙酉命敬信管理滿洲火器營事務○丙戌命恩佑分軍管理神機營事務○詔倉場衙門順天府奏請加撥通州粥廠賑米一摺本年通州一帶地方被水成災貧民衆多所有王恕園等處粥廠著由

奉天粟米內割撥一千石以濟急需並加恩賞給秬米二千石俟江蘇河運到通卽行支給分撥各屬煮粥散放以惠窮黎○丁亥諭裕祿等奏查勘大政殿院內應修工程請擇吉興修一摺著欽天監於本年七月內選擇吉期先行知照卽著裕祿鳳秀屆期會同敬謹興修餘著照所議辦理○諭裕祿等奏查勘承陵 昭陵應修工程請擇吉興修一摺著欽天監於本年七月內選擇吉期先行知照卽著裕祿鳳秀屆期敬謹興修餘著照所議辦理○予故總兵吳家榜照提督軍營立功病故例卹卹職績交國史館立傳並准於湖南原籍及安徽采石磯地方附祀彭玉麟專祠○己丑 上詣建福宮行禮○庚寅薛福成奏 臣湖查 國朝順治康熙年間始嚴海禁當時因鄭成功父子竊據臺灣窺犯江浙閩粵招誘平民得爲死黨寇勢滋蔓沿海騷動不能不創立禁例以大爲之防凡閩人在番託故不歸復偷渡私回者一經拏獲卽行正法厥後臺灣既平務在與民休息不欲生事海外康熙五十六年禁止南洋貿易一案經九卿議定凡出洋久留者行文外國解回正法蒙 聖祖仁皇帝特恩令五十六年以前出洋之人俱准回原籍雍正六年奉 諭出洋之人陸續返棹而彼地存留不歸者皆甘心異域違禁偷往之人不准回籍欽此乾隆十四年復奉 高宗純皇帝特諭將私往噶羅巴充當甲必丹之陳怡老嚴加懲治貨物入官大抵昔日海盜未殲鄰交未訂彼出洋之民禁之則可以孤寇黨弭變端不禁則慮其洩事機非苛待

此出洋之民也時勢爲之也自道光二十二年以來陸續與東西洋諸國立約通商英國江寧和約第一條華英人民各住他國者必受保佑身家安全美國續約第五條中國與美國人民前往各國或願常住入籍或隨時來往聽其自便而秘魯條約及古巴華工條款亦於出洋華民鄭重再三庇之惟恐不周辭之惟恐不至每於海外要地設領事官以保護之誠以今者火輪舟車無阻不通濠濱諸國固已近若戶庭爾於几席勢不能閉關獨治且我 聖朝煦濡涵育逾二百年中國漸有人滿之患遂不得不導傭工以擴生計開商路以阜財用順民志以聯聲氣張國勢以尊體統蓋海禁早弛風氣大開一視同仁無間遐邇前例已不廢而自廢不刪而自刪非偏厚此出洋之民也時勢爲之也 臣於光緒十七年奏派道員黃遵憲爲新嘉坡總領事官屬令到任詳察流寓華民情形數實稟報茲據稟稱南洋各島華民不下百餘萬人約計沿海貿易落地產業所有利權歐洲阿刺伯巫來由人各居十之一而華人乃占十之七 華人中如廣瓊惠嘉各籍約居七之二粵之潮州閩之漳泉乃占七之五粵人多來往自如潮人則去留各半閩人最稱殷富惟土著多而流寓少皆置田園長子孫雖居外洋已百餘年正朔服色仍守華風婚喪賓祭亦沿舊俗近年各省籌賑籌防多捐鉅款競邀 封銜翎頂以誌榮幸觀其拳拳本國之心知聖澤之浹洽者深矣惟籌及歸計則皆感頌相告以爲官長之查究胥吏之侵擾宗黨鄰里之誑索種種

貽累不可勝言凡挾贊回國之人有指爲通盜者有斥爲通番者有謂爲偷運軍火接濟海盜者有謂其販賣豬仔娶結洋匪者有強取其箱篋肆行瓜分者有拆毀其屋宇不許建造者有僞造積年契券藉索進欠者海外羈氓孤孑子立一遭誣陷控訴無門因是不欲回國固有以商賈至者不稱英人則稱荷人反倚勢挾威干犯法紀地方有司莫敢誰何今欲掃除積弊必當大張曉諭申明舊例既停新章早定俾民間耳目一新庶有裨益蓋遠憲體察既深見聞較熟故言之詳切如此臣竊維保富之法繫於周官懷遠之謨陳於管子民性何常惟能安彼身家者是趨是附中國出洋之民數百萬粵人以傭工爲較多其俗雖賤視之尙能聽其自便衣食之外頗積餘財至今瀕海郡縣稍稱殷阜未始不藉乎此閩人多富商巨賈其俗則待之甚苛拒之過峻往往擁贊百萬擬棲海外十無一還且華民非無依戀故土之思也國家亦本非行驅禁之政也特以約章初立之時未及廣布明文家喻戶曉遂使累朝深仁厚意澤不下究化不達被奸胥劣紳且得窺其罅以滋擾累爲淵毆魚爲叢毆樹莠非計也夫英荷諸國招致華民開荒島爲巨埠是彼能借資於我也華民擅幹才操利柄不思聯爲指臂又從而擴絕之是我不能借資於彼也及今而早爲之圖尙可收桑榆之效及今而不爲之計必至斃杆抽之空查前督臣沈葆楨奏請將不准偷渡臺灣舊例一概豁除會奉特旨兪允省具文禱實政莫善於此迄今海內交口稱便出洋

華民事同一律可否籲懇 天恩俯念民生凋敝敕下總理各國事務衙門嚴議保護出洋華民良法並

聲明舊例已改以杜吏民詐擾之端由沿海各省督撫及出使大臣分途切實曉諭奉宣 德意俾眾周

知並准各口領事官訪其平日聲名素稱良醫核給護照如是則不事紛更不滋煩擾可以收將渙之人

心可以振積玩之大局可以融中外之畛域可以通官民之隔閡悅綢國者源源而至細民無輕去其鄉

之心適禦土者熙熙而來 朝廷禮臧富於民之益一旦有事緩急足倚枝榮本固厥效匪淺得 旨該

衙門議奏○癸巳調張其光為浙江温州鎮總兵周振邦為福建澎湖鎮總兵韓晉昌為江南福山鎮總

兵陳海鵬為湖南綏靖鎮總兵○甲午 上詣 奉先殿 壽皇殿行禮○乙未命長麟清銳為會典館

清文總校○諭軍機大臣等吏部奏投供候遞知縣一官兩人請旨飭查一摺此案情節支離其中必有

一員假冒著王文韶崧蕃確切查明前任總督勞崇光等原保案內之趙秉仁究係直隸清苑縣人抑係

雲南昆明縣人並將該員三代履歷鈔錄連印疊覆吏部駁辦原摺均著鈔給閱看○丙申 上詣 壽

皇殿行禮○壬寅諭軍機大臣等御史褚成博奏山西口外七屬賑務已畢請飭辦積穀並嚴禁收糧積

弊一摺據稱該省賑務完竣尚多餘款酌酌提銀兩作為收買積穀之用由官發給章程責成公正紳耆

實心經理大青山後一帶錢糧向歸糧差甲首徵收每多浮索情弊亟應實力整革等語著張煦按照所

陳各節妥籌辦理原摺著鈔給閱看將此諭令知之○乙巳 上諭 壽皇殿行禮○命懷塔布為崇文門正監督巴克坦布副之○以準良為翰林院侍講學士○丁未 上幸頤和園詣 慈福廟佑康頤昭豫莊誠壽恭欽獻皇太后前請安○還宮○己酉諭以著奏署任知縣欠解丁糧等款請旨革職查抄一摺貴州候補同知張國英前在署貴縣知縣任內虧短丁糧等款為數甚鉅業經摘頂勒追迄未完解實屬玩延張國英著即革職勒限嚴追並著四川總督將該革員原籍家產一併查抄備抵以重庫款

八月壬子以熙敬署鑲白旗蒙古都統○癸丑總理各國事務衙門奏軍機處鈔交出使英法義比大臣薛福成奏請申明新章除海禁礙例一摺光緒十九年七月初十日奉 硃批該衙門議奏欽此○等查中外通商以來華民傭工既已任其出洋豈轉禁其回國同治年間既有美秘各約載明華洋人民前往各國或常住入籍或隨時來往均聽自便之語是 國初舊禁早已不弛之弛特當時未及廣布明文家喻戶曉吏胥族鄰因得窺罅滋擾訛索誣陷致 累朝深仁厚澤尚未徧被海隅且薛福成所奏種種積弊自係實在情形華人流寓各國人數滋多若概禁其過返故鄉不無缺望應請如該大臣所奏 勅下刑部將私出外境之例酌議刪改並由沿海各直省督撫出示曉諭州縣鄉村申明新章既定舊禁已除除僞冒洋商包攬貨物及別有不法重情者仍應查究外其餘良善商民無論在洋久暫婚娶生息一

概准由出使大臣或領事官給與護照任其回國治生置業與內地人民一律看待並聽其隨時經商出洋毋得仍前藉端訛索違者按律懲治如此變通辦理庶幾上以廣 聖朝丕冒之仁下以慰羈旅懷歸之念誠爲因時制宜維持邦本之急務得 旨如所議行○溥良奏江蘇金山於乾隆年間蒙 高宗純皇帝敕建文宗閣尊藏 四庫全書同時於揚州 敕建文匯閣一體辦理誠以江南爲人文萃輿士之通經稽古者多使得窺天祿之秘藏覽石渠之異本見聞既洽成就斯大誠盛典也遭亂以來均燬於火至今尙未興復查杭州亦有 文淵閣之建同燬於寇近年浙中紳富收購舊本由地方官會同籌款雇工補葺頓復舊觀江蘇地大物博不亞於浙承平已及二十餘年似應及時修復惟兩閣並建誠恐經費難籌奴才查金山居揚鎮之間茲擬先行修葺 文宗一閣除由奴才咨商督撫臣籌款並勸募地方紳富湊集舉辦外相應附片奏明一俟閣成之日再行專摺恭請 頒發 列朝聖訓 寶錄方略等書祇領尊藏用以惠士林而垂永遠報聞○甲寅 上幸頤和園請 慈和端佑康頤昭豫莊誠壽恭欽獻皇太后前請安○遺宮○乙卯諭張聯桂奏已革知縣虧欠倉米請旨懲辦等語已革廣西恩隆縣知縣陳敬詩短欠倉米爲數甚鉅屢催不交竟行回籍實屬玩延著順天府府尹即將該革員解送廣西勒限半年完解倘逾限不完卽行查抄備抵○丙辰許振祿奏從前河工積弊皆係紙上浮文每歲總報工用不

數力求奏請添款及得添款仍無實濟今歲添數萬來歲復添數萬河道不能卻顧員之票河督卽不能御河道之票紛紜糾葛祇便私圖此弊不除則公事何由核實所以臣前奏定新章將從前浮冒文牘一概銷除專以此次之實用實銷爲準計每年定支六十萬兩此外無論歲修搶險均不准添款屬員亦不准再立交代名目試辦三年屢經防險培堤並無不足以此次所辦之實工實用而論則從前之不免虛冒自難逃 聖明洞鑒頃查開歸道文卷尙有光緒八年借用辛巳霜後防險銀四萬五千兩又動用戊寅己卯庚辰等年工款不敷銀二萬九千數百兩共銀七萬四千數百兩未能撥補又劉前署道任內借撥糧道庫銀五千兩未能交還爲數共近八萬臣不知當日所辦何工迄今亦無應領此款之人而履轉存記不過留爲異日冒支地步此風斷不可長不知改章以後凡從前河督之批均已作爲廢紙上等督飭道廳共辦實事何能將有定之正款以還虛冒之漏卮此時固無大膽妄爲冒領此款之人誠恐日後乘其不備得以濫請補發所有開歸道庫所存記應彌補之七萬四千數百兩應卽概行銷除不准存記分文至當時以一署道會借糧道庫銀五千兩借雖屬實用恐虛糜目下開歸道庫既無虧空亦無存蓄此款無從清償應由糧道庫自行銷除不准再向河庫索取臣爲斬斷葛藤一清積弊起見合無懇懇天恩飭部查照立案自改章以後河工第領銀六十萬兩修防搶險不得求添而從前河院兩道各廳所

存檔冊凡有涉往來支發概行銷除不准援以爲言前任各屬員亦不准私存昔年河督河道之批無取
實求冀館私窠以杜乘間濫領之弊自經此次奏明清理以後若該員再有規造各款妄求補發情弊應
由臣參革嚴辦得 旨如所請行○丁巳祭 先師孔子廟遣麟書行禮○戊午祭 社 稷壇 上親

詣行禮○己未 上詣 泰先殿 壽皇殿行禮○劉秉璋奏建昌地方緜互一千餘里探夷環繞種類
繁多夷地向資洋芋蕎麥爲生一歲不收立形饑饉去春至夏先旱後潦洋芋蕎麥全壞饑困迫切河西
夷民時出囓撥經建昌鎮總兵劉士奇寧遠府知府唐承烈會派兵役彈壓撫綏隨即歸業安靜本年入
夏後夷地徧處饑荒各夷四出搶糧漢民受害距郡城三十里之大興場一帶頗被焚掠經該鎮府飛札
土司帶領土練防禦而北山夷酋何甫沈等接踵糾搶勢甚猖獗據該鎮府稟報以制兵各有分防之責
而省土勇營相距爲遠不得已先行募勇二百名請發洋鎗藥彈以資應用等情當經臣酌發後門洋鎗
一百桿藥彈二萬顆並批飭酌量情形如力不敷不妨多募期速成事毋任蔓延旋據該鎮府會稟北
山夷酋何甫沈輒敢糾衆焚掠附近郡城之村堡甚至踞衆相距郡城五里之烏歸塘日以搶糧爲事民
心驚惶該鎮府慮已募之勇不敷分布隨又添募勇丁連前共成一營於六月初六日夜分飭弁勇銜枚
疾進四面圍攻該夷猝不及防遂將何甫沈及其弟兄族戚等擒斬十二名餘匪散逃近日該各夷支仍

復踞聚附近村堡時出掠糧不肯退散復經該鎮札調中左兩營兵丁分紮陳家堡等要隘該府亦飭建甯營勇兩隊分紮大坡烏蹄塘等處以防窺擾而安民心所有兩營兵丁請酌給行糧與新募建甯營勇口糧均請作正開銷等情前來臣伏查川省邊夷支類紛繁一支捐徼眾支起應一運糶散往往料眾出巢苟不大加懲創決不違旨就撫向來辦理夷務所以必先判而後撫也至川省勇餉去年因撥三營專護土卡其餉卽於土稅項下開支籌餉局停支之三營勇餉按月解存滿庫作為籌邊經費亦經分晰奏明在案現在建昌夷務喫緊添募一營應仍查照東勇章程於成軍之日給發口糧與兵丁加給行糧均按月卽在籌邊經費項下撥支以免另籌支絀倘添募一營仍不敷用亦卽撥令再募一二營俾資調度得旨知道了卽著督飭該員弁等實力勸辦毋任延宕滋擾餘依議該部知道○辛酉 上幸頤和園詣 慈福端佑康頤昭豫莊誠壽恭欽獻皇太后前請安○還宮○賞給朱德澄二品銜准其重赴鹿鳴筵宴○壬戌諭巡視東城御史文博等奏五城所屬地畝災民甚眾亟應接辦冬賑給事中余聯沅奏預籌大賑請撥銀米各摺片覽奏均悉本年順天直隸一帶災區甚廣迭經諭令戶部籌撥銀米並飭李鴻章截撥漕糧分給順直一體散放添設粥廠六處特派溥頤等妥為監放以拯災黎惟飢民甚眾為日方長而應寬籌賑撫孫楫現在入關孫家鼐兼管順天府府尹黃無劣錢著會商戶部將光緒十七年順天

府寄存戶部賑款酌量提撥交五城御史採買米糧接辦冬賑並著李鴻章孫家鼐將各省集捐銀兩如何均勻分撥會商妥辦前次截留漕米十萬石著李鴻章分解順天五萬以資接濟用副朝廷軫念民艱至意○癸亥夕 月於西郊遣海靜行禮○丁卯諭給事中張元萼奏請援照成案廣設粥廠米廠以免流亡一摺本年順直災區較廣前設孫河等處粥廠六處猶恐未能遍及著孫家鼐等查照光緒九年成案量為添設以拯災黎○沙克都林扎布奏本年四月初一日承准軍機大臣字寄本年三月二十一日奉 上諭熱河剿平股匪後伏莽仍未淨盡深虞間竊發並分竄奉天吉林等處滋蔓難圖著裕祿長順督飭營汛地方各官實力巡防認真搜剿務當合力兜拿有犯必懲等因欽此時值將軍長順校閱水師出省當經奴才欽遵轉飭嚴密巡緝去後嗣據吉林五六七起練軍統領慶祿督同員弁兵勇等在州州界東山八里川地方搜獲朝陽要逆偽副將焦志綽號振東並獲盜蘇材卞彪子劉發卽北嶺天共三名呈由阿勒楚喀副都統咨報前來卽經奴才咨准該副都統將蘇材劉發二名就地正法將焦志綽派弁押解到省發交發審局訊供後奴才親提研鞫據供朝陽縣人在迷立營居住光緒十七年二月在縣屬木頭城子蘇萬深家為盜匪李教明所惑練習金丹邪教十月初二日該逆復聽從李教明赴蘇萬深家聚議謀反公舉李福珍為僞主蘇萬深備洋磁旗幟約會建昌教首齊保山潘姓平泉州教首梁貴成

同日舉事十二日聚集二百餘人齊赴縣城沿途裹脅居民一千八百餘人十三日闖入縣衙拒捕殺官
開放獄犯焚燒衙署李嗣珍逃在衙內盤踞為構捕北武聖人蘇萬深偽稱九門提督該逆與王坤偽稱
副將張雙周寬為偽參將各帶大隊朝陽四面受教遂領分兵占地該逆家向與喀拉沁王旗有仇二十
日帶隊至喀拉沁焚燒王府搜殺敵首不計其數二十七日該逆在五官屯與古北口官兵接仗敗走僅
五六十人仍歸李嗣珍股內十一月初一日隨李嗣珍攻奪烏丹城升為偽元帥張雙周寬各隊歸其統
帶十六日在那村溝拒殺官兵張雙周寬均中鎗身死該逆知事敗隻身潛逃入山囑匪本年二月間逃
至吉林江北與蘇萬深之胞姪蘇林並盜匪劉發會遇共議入山糾合盜黨以圖再逞先在北魁界開家
店夥劫得贓俄分四月二十日行抵賓州里川地方遂被擒獲奴才察看該逆言語狂悖與夫桀驁不馴
之氣其為逃逆無疑奴才當派全營翼長文元恭請 王命督同營員將焦惠那赴市曹凌遲處決以快
人心而昭炯戒一面咨會熱河都統履緝犯屬務獲擬解查吉林山深林密自馬賊肆擾以後伏莽至今
未靖前者熱河教逆之變漏網甚多其東竄來此無非欲勾結盜黨滋事希圖死灰復燃焦惠那所供糾合
賊眾以圖再逞非空言也奴才自當遵 旨嚴飭地方文武各官實力搜捕不犯必懲惟此次在事出力
員弁不無微勞足錄例得隨案奏保合無仰懇 天恩准照異常勞績給獎下部議奏○戊辰諭李鴻章

奏順直各屬被災請將京旗各屬莊田照案減收租項一摺本年順天直隸各屬驟被水災民情困苦飢
廷憫念災黎迭經賞撥米石以資賑撫所有王公貝勒並各京旗莊田著卽自行體查災歉情形將如何
減收成數之處行知坐落州縣出示曉諭不准莊頭屯頭等將已減之租收舞弊其內務府各項地租
步軍統領衙門地租均著查照成案一體減收以紓民困○己巳 上幸頤和園詣 慈福端佑康頤昭
豫莊誠壽恭欽獻皇太后前請安○還宮○壬申 上詣 壽皇殿行禮○癸酉前刑部左侍郎潘安卒
賜卹如例○甲戌兵部左侍郎洪鈞卒賜卹如例○丙子命載灃爲閩兵大臣○命恩佑管理圓明園八
旗包衣三旗官兵事務○丁丑 上幸頤和園詣 慈福端佑康頤昭豫莊誠壽恭欽獻皇太后前請安
○還宮○戊寅以王文錦爲兵部左侍郎○以魁斌爲正黃旗蒙古都統○以倭勤郡王晉祺爲宗人府
右宗正載瀄爲宗人府左宗人

臣朱壽朋敬編

臣章圭球恭校

九月辛巳諭軍機大臣等本日據孫家莊孫楫公文安大城兩縣士民因安州匪徒扒堤被淹來京呈控一摺並據鴻臚寺卿劉恩陳奏詢二縣民人呈訴情形大略相同著李鴻章派員馳往該處查勘確情嚴拿匪犯照例懲辦並妥籌辦法詳定章程不准以鄰為壑貽害民生至災民恃眾搆訟倘有徇私同行等事卽將爲首之人嚴拿懲辦以儆刁風○刑部尙書黃恆因病乞休允之○以程之偉爲山西大同鎮總兵○褚成博奏近聞浙江考官馳驛赴浙行經江蘇蘇州府境時忽有人至正考官處如草坐船投遞書函中有考生五人姓名並銀票一萬兩囑與關節取中殷如璋拆閱後當將其人扣住連書函一並就近發交蘇州府看管經該府知府王仁堪據情咨解浙省此事蘇浙地方徧處播說守正之士咸懷憤激近日都中士大夫亦互相傳述詭爲罕聞伏思科場舞弊例禁何等森嚴乃竟敢明目張膽如此妄爲若不嚴加究治恐以後奸徒玩法效尤必更肆行無忌世風士習關繫非輕相應請旨飭下浙江巡撫速提此案認真訊究是否實有主使抑係冒名掄騙務得確情按律定擬奏明懲辦俾人心咸知儆惕

則積弊自可潛消臣為消除做俗起見據實上陳 上諭軍機大臣等有人奏考官途次拿獲投書賄囑
之人請飭究辦一摺據稱浙江正考官殷如璋行抵蘇州忽有人投遞書函中有考生五人姓名並銀票
一萬兩囑與關節取中經殷如璋將其人扣留發交蘇州府知府王仁堪看管轉解浙省訊辦等語科場
舞弊例禁甚嚴若如所奏各情殊堪詫異著松駿嚴切根究務得確情按律定擬具奏原摺著鈔給閱看
將此諭令知之○癸未 上幸頤和園詣 慈寧端佑康頤昭豫莊誠壽恭欽獻皇太后前請安○還宮
○諭山東沿河各屬連年被水居民雖經陸續遷徙而田產所在為小民衣食之源本年黃河伏水盛漲
章邱縣姜莊長堤衝塌上游北岸及小清河北岸亦因水大出槽禾稼被淹民情均極困苦業經福潤籌
辦急賑惟瞬息冬令小民生計維艱殊深慮念著將該省本年新漕截留六萬石備賑隨漕輕糶等項一
併按數扣支該撫卽飭所屬分別災區輕重妥為散放務使實惠及民毋任吏胥舞弊用副加惠災黎至
意該部知道○松駿奏八月初六日據浙江臬司趙舒翹詳轉准江蘇臬司移浙江主考於七月二十七
日路過蘇州有名周福清者遣人赴浙江正考官殷如璋舟次呈送信函經殷如璋將遞書之家丁陶阿
順扣留押交蘇州府收審知信中係囑託關節情事提訊該家丁供詞閃爍由縣委員管解陶阿順並移
案到浙維時奴才業已入關卽飭臬司趙舒翹會同藩司劉樹堂督飭杭州府知府陳瑛親提審訊據陶

阿順供稱伊向在紹興府城陳順泉家傭工本年七月周福清向陳順泉借伊去伺候七月二十五日至蘇州二十七日浙江主考過境周福清取出書信名帖交伊送至股主考船上即被釋解信內何事伊實不知等語據臬司鈔遞所呈之原信內計紙兩張一書憑票洋銀一萬元等語一書考生五人馬官卷願陳孫章又小兒第八均用 宸衷 茂育等字樣又周福清名片一紙外年愚弟名帖一簡各等因奴才於關內查得馬姓官卷通省祇有馬家壠一名周福清之子周用古核對三代內父名相符均會稽人一併扣考以免物議其所列之願陳孫章各姓俱無考名殊難懸斷無憑查扣至周福清籍貫功名蘇省來文並未敘及現查其子考册內係紹興府會稽縣訊據陶阿順供稱係屬進士現在丁憂并經臬司轉飭會稽縣查明周福清係丁憂內閣中書同治辛未科進士惟周福清遣投信函賄屬關節一案係在江南蘇州地方是否潛回浙江即經臬司飭仁和錢塘兩縣查覆未曾來省并由司飛飭會稽縣原籍迅速查傳押解省垣質審各在案伏查此案既據江蘇臬司咨行浙江臬司并委員將信件暨投信人一併解交前來非將周福清查拿到案不能審出實情相應請 旨將丁憂內閣中書周福清即行革職歸案審訊是否有當除將陶阿順收禁候質外理合恭摺具陳 上諭前據御史褚成博奏浙江正考官殷如璋行抵蘇州忽有人投遞書函中有考生五人姓名並銀票一萬兩囑與關節取中經殷如璋將其人扣留交

蘇州府看管轉解浙江請飭究辦當經諭令核驗嚴切根究本日據核驗奏據臬司趙舒題稟稱准江蘇臬司移咨此案並將投遞書函之家丁陶阿順解交浙省訊據陶阿順供稱係周福清令伊投信查周福清係丁憂內閣中書請飭革職歸案審訊等語案關科場弊竇應澈底查究丁憂內閣中書周福清著卽行革職查拿到案嚴行審辦務得確情按律定擬具奏該部知道○乙酉命那彥圖載漪爲御前大臣○調醇陵爲吏部左侍郎克們泰爲兵部右侍郎鳳鳴爲工部左侍郎志願爲理藩院左侍郎以英年署工部右侍郎○以那彥圖爲鑲白旗蒙古都統○以松淮爲刑部尚書懷塔布爲工部尚書敬信爲左都御史○以繕修軍機處清字檔册事竣予員外郎瀛桂等優敘有差○丙戌調裕德爲鑲黃旗滿洲副都統海績爲鑲藍旗滿洲副都統戒淵爲正紅旗蒙古副都統○賞給五城煮賑米石○戊子以駿奏准會典館咨輿地一門今昔情形稍異關繫至切爲用尤宏會典原圖未標經緯及開方有省府各圖而無州縣圖擬就圖式並辦理章程請旨飭下各省遴派留心地理精於測繪之官紳士子照所頒格式測繪送館奏奉諭旨依議欽此並准咨明不得以傳圖及志書所有之圖據墾了事等因咨會到浙當經分別轉行一面派委候補道宗源瀚會商藩司設局辦理先延紳士保舉內閣中書黃炳原商訂又遴選卽用知縣准補龍泉縣知縣胡文淵總核一切續准會典館咨議定輿圖章程五條附發表格一紙縣圖

不用說而用表其式分沿革疆域天度山鎮水道鄉鎮職官爲七格又經轉飭遵辦去後茲據布政使劉樹堂督辦與圖局候補道宗源瀚會詳研查向來地方衙門與省府縣志書繪圖固粗具規模略布山川欲求方位合乎準望水陸詳其道里已不易得如果計里開方按切天度經緯尤非平日留心輿地諳悉中西算法之人不能措手卽開方亦有量詳而測略詳人里而略鳥里者並有但用測而不用量有鳥里而無人里者現在所定辦法章程測量兼用巨縣圖每方雖限十里必先劃每方一里之稿以立始基而杜率略當卽廣延通算士子按照辦法章程每縣董每府又設一府董一切需用之儀矩向盤紙格各器具皆由省局給發所估之人夫舟輜每府設一照料委員供支由州縣墊給者事竣酌量發還一切用項由外籌辦不動正款浙江通省十一府七十八屬州縣現將每方百里之省圖並說每方五十里之府圖並說每方十里之廳州縣圖並七格表悉遵部頒格式章程測繪編說經委員胡文淵等屢費經營營更寒暑數易其稿始克告成裝訂十二本由該司道等呈送詳咨前來奴才詳加校核其圖畫尙爲精審表說亦稱詳備惟自開辦以迄於成始終不許草率從事未免稍稽時日除將浙江全省與圖十二本飭委卽用知縣准補龍泉縣知縣胡文淵親齎送館交收所有原奏繪圖人員酌量優獎以資鼓勵一條應俟實典館覆核辦理至圖表各辦法尙與原定續頒章程稍有變通業已另行開摺咨明會典

館查照合併陳明報聞○裕寬奏豫省新清仍難辦理本色籲懇援案折解允之○己丑揆駿奏准杭州將軍古和副都統常恩咨杭州滿營洋鎗隊練軍原設陳兵四百名月支津貼銀一千一百七十四兩六錢嗣以兵數過單復經添練新兵四百名吏番操練輪支津貼各在案現在新兵既練有成效陳兵四百名吏資純熟以常川操練每年領支五月輪餉銀十餘兩委實微薄並幫翼長協領等均未起支津貼可否每月籌給津貼銀六百九十兩咨商查核等因當經札局核案妥議詳辦去後茲據防軍支應局司道詳稱查杭滿營駐防原練洋鎗隊及格林礮官兵津貼曾於光緒九年間經前杭州將軍古尼音布副都統恭壽酌定奏准每年除暑伏封印停操兩月不給外計十箇月每月共給銀一千一百七十四兩六錢不扣小建在於防軍營後經費項下支給造報奉部核覆准銷有案嗣於光緒十三年間復經前署杭州將軍恭壽以杭滿營原練兵數過單恐遇防剿不敷調遣奏准添練洋鎗隊新兵四百名合陳兵共八百名立爲新陳兩營當時未經議增津貼權爲半陳半新吏番操練輪支津貼現在新兵業已練有成效若仍輪支津貼合計每年新陳各兵僅有五箇月津貼可領未免微薄請另籌新兵津貼以資足食所擬照陳兵月支之數量爲酌減計新兵四百名內領僅四十名每名月給銀二兩五錢正兵二百六十名每名月給銀一兩五錢又幫辦全營翼長協領一員月給銀二十兩兩翼總管總協領一員月給銀十八兩

號漢教習一名月給銀十二兩總計每月共請給銀六百九十兩核與陳兵所支銀數較爲減少至統領翼長營隊各官雖管理兩營事務已有原辦津貼一分現在未便再行增添似於體恤之中仍寓撙節之意事尙可行擬請援照陳兵之式除去暑伏封印停操兩月不計外實計每年十箇月仍於防軍善後項下動支彙案造銷詳請先行奏咨俟奉准後再行起支等情前來伏查杭州滿營兵丁有關保本至計從前省城兩道軍務駐防士卒無不敵愾同仇捐軀効命其忠義奮激之氣至今里巷猶稱道弗衰現以器械不利於用經歷任將軍副都統改練洋鎗隊陣式實已預籌勝算有備不虞本年奴才奉旨校閱浙江全省營伍遵於五月十一日會同杭州將軍吉和副都統常恩乍浦副都統忠瑞先將杭乍滿營提前校閱查驗得該營新陳洋鎗隊八百名均屬紀律嚴明步伐整齊洵爲有用之軍乃新兵並未開支津貼仍與陳兵輪月給領在陳兵得項固形微薄而新兵益覺偏枯今請照陳兵月支津貼之案量爲酌減將新兵四百名月支津貼銀六百九十兩較之陳兵津貼僅得其半合無仰懇天恩俯念杭州滿營新洋鎗隊練有成效准予支給津貼以裨防務得旨如所請行○辛卯以剿捕廣西來賓等縣土匪出力予知縣張師厚等升敘有差○癸巳諭本年順天直隸雨水過多災區甚廣業經撥濟米展辦賑捐藉資撫濟惟念現距麥秋尙遠災民待賑方急允旨再沛恩施俾資冬春賑撫著於江蘇江北來年應辦河運

漕米內各賞撥米五萬石現在該省尙未採買兌運卽著劉坤一奎俊將前項撥折銀兩迅速核明提解
直隸應用其隨辦輕齋等項及脚價運費給剩耗食米石並著一併核解至此次災情過重爲日方長仍
恐不敷應用著再賞撥江蘇海運漕米八萬石俟明春運抵天津准其就近截留所有隨漕輕齋等項及
山津運道耗米運費亦照案一併解交賑濟應用李鴻章於該兩項銀米解到時仍按順天直隸各半分
撥李鴻章等務當督飭印委各員核實散放不准稍有弊混用副朝廷軫念民艱至意該部知道○丙申
以緝獲長江一帶匪老會匪出力予參將李振標等升敘有差○丁酉命修撰曹鴻勳仍在南書房行走
○以霜降安綏子河南布政使廖壽豐等優敘有差○庚子福建陸路提督孫開華卒予祭葬建祠職功
事蹟交國史館立傳○以捐賑出力賞給廣東南海縣貢監生周長華舉人○壬寅職取士之途多
一倖進必抑一真才科場條例最嚴而日久生玩當事者務爲優容斯弊者肆無忌憚近來順天鄉試
弊端滋甚富豪者目不識字而出費倩代幾於成市取才風聞今科中式舉人周學熙湯寶霖蔡學淵陳
步蟾承樹聲馮航皆執耄不能讀書自錄科以至鄉場無一非倩人者揭曉之日道路譁然蓋周學熙場
屋之文係假手鄰鋪而不識其佳出場又倩人代作三篇歸以騙其父其父官河南卽以此三篇傳示同
僚及觀闈墨所刻衆皆譁然湯寶霖在場中出號覓傳遞幾爲監試所執而向唯唯不服聞其草稿亦係

賄人代書者蔡學淵尤愚謬其錄科卷中盟書作壹願書作顯已被黜落其後不知以何手段而竟補出遂爾弄弊獲中陳步鑾身家不清其祖父曾爲京官時以萬金賈同鄉官印結是以狼朋部員盜其微俸此二人榜發後不理於口卽皆逃匿救恩風浪黃樹鑿係換卷所中現雖觀望風聲聞已檢行裝將遁矣萬航素不通文錄科係倩人正場係傳遞亦有風聲外間傳言今科舞弊倖中者數十人而奴才所聞較確者惟此六人奴才亦不欲索瘢窮究致與大獄然而掄才鉅典氣運所關有弊不懲何以警後誠恐姑息隱忍卒致公行無忌後來釀成大獄欲補救而無從咸豐戊午順天鄉試一案殊可戒也相應請旨飭查蔡學淵錄科卷有無紕繆其周學熙等之錄科卷與已中照卷核對筆跡如不相符應卽革去如果相符亦請將此六人另行覆試惟此六人者錢可道補而此時禁網稍寬何人不可賄賂非請嚴旨諭令閱卷及監場等官破除情面認真稽查秉公衡鑒若文理尙通准其一體會試若仍紕繆亦從革例免追前弊如此辦法庶幾寬嚴並用已往者懲未來者畏儆俾黜而士氣伸上諭御史聯陔奏科場舞弊倖中多名請飭究辦一摺著派麟書徐桐取本科順天鄉試中式舉人周學熙湯寶霖蔡學淵陳步鑾黃樹鑿萬航錄科卷與中式照卷核對文理筆跡是否相符據實覆奏此次覆試著禮部卽將周學熙等六名先行扣除另行奏請定期覆試○以永定河漫口合龍出力予按察使周馥等優敘有差○

癸卯諭順天府奏添設粥廠請撥經費銀兩並請再發米石各等語前因京畿被水成災添設粥廠賞給銀米俾資賑濟茲據奏稱災民眾多又在采育館等處添設粥廠大處前撥銀米均已儘數支用加恩茲照所請由戶部再撥經費二千兩並發京倉米三萬石卽著孫家鼐等分屬散放以惠窮黎○以黃少春爲福建陸路提督○乙巳李鴻章奏查總理海軍衙門奏定海軍章程摺內聲明章程容有未備及臨時應行變通者隨時酌擬具奏等因欽奉 懿旨允准在案茲據北洋海軍提督丁汝昌呈稱章程內原定駕駛學生在堂習業四年畢業派上練船學習船藝一年送回學堂再習三月然後撥入鎗礮練船再學三月考校如式派歸兵船差遣補用等因查學習船藝鎗礮原定期限太促學習兩得門徑卽改肄別業恐有未精難免功虧一簣當日海軍創設在在需材欲其速成以供驅策故不能寬予限期現在天津學堂學生日增威海學堂學生亦將畢業又有北京內學堂學生將次上船人材不患不多惟在力求精選擬變通舊章將京津兩學堂學生畢業後卽先派入鎗礮學堂學習大箇月考校如式分別等第填給執照再派上庸潛練船學習魚雷水雷各種技藝大箇月考校給照然後派上威遠練船學習船藝並令隨船廣惠東南洋一帶考究風濤沙綫寬限兩年俾臻精進其春秋考校仍照章分別等第統以三年爲期諸藝學畢彙集各照擇其最優者以千總候補次者以把總候補加儘先字樣如此量爲變通年限稍寬

藝業必更精到且分班上船學習亦免擁擠之處其威海學堂學生本係兼習鎗礮仍照定章辦理等情呈請核辦前來臣查鎗礮船藝極難精熟欲究其精微之奧必寬其學習之期該提督所擬變通辦法較原限既寬半年為時亦不過久而學生藝業更可精益求精自為因時制宜期收實效起見於造就海軍人材不無裨益得旨該衙門議奏○丙午洪良品奏臣維求定一河密邇京畿自髮逆變興河失修治者四五十年淤積日高無歲不決十六年八月臣曾以一切情形滲陳在案乃李鴻章啟斥為陳言臣以該督著望老成必能別施補救誰知年復一年因循至今潰決愈多災祲益甚幾有不可終日之勢臣以國計言之物產耗失不可勝言而國家經費有常調賑頓仍後將何以為繼以民生言之藩析離居生計日蹙而一旦飢寒所迫愚恐生於意外故自康熙以至道光五朝無不以治河為急務誠以國家之元氣宜培下民之昏墊可憫也夫事關重大天時人事交迫有非尋常一二補苴所能卒事者譬如治病暫病可理其標久病必尋其本今之河病久矣非合全局以籌之挾大力以拔之審其病本所在而亟療之將今歲既決明歲復然損財傷民終無了局程含章所謂零辦而費重不若全辦而費輕者此其時矣第考大禹治水曰疏濬曰決排孔子蔽之以一言曰盡力乎溝洫此古方也治水者莫之能外要在審因者損益之或因時以達變或因地以制宜今觀本朝諸臣之議治河如陳儀之疏古河故潰沈聯芳之疏

天津引河襄曰修之挑濬六工陳宏謀之建築遙堤程含章之先楊尼開後疏渠港又有讓開溝壘道以通其流者有讓築地容水以殺其勢者惟雍正時世宗諭旨以渾河淤淀爲全局病特令引渾河別由一道入海乾隆時方苞亦言宜別開一河俾濁流不入淀池直達丁字沽而留東西淀以受會同清河子牙等河伏秋之漲李鴻章前奏所書別開一河意實本此但大綱固必括衷一是而細目亦必參諸眾策不得概以爲陳言而棄之也至李鴻章稱開河苦無經費臣竊謂不然蓋天下事利害所關有緩有急當議修鐵路時河患尙未形也今時移勢變鐵路之利尙在渺冥河患之害近在眉睫若兩役並興庫帑誠有不給今請移緩就急暫停鐵路之工藉供河務之費臣查原議鐵路經費每年二百餘萬用以治河欸不另籌而事可立集除已然之害較之圖未然之利有不待智者而知所審處矣但治河一事至爲繁碎必事事躬親勘時時專意經營審地勢之高卑察委員之勤惰耳目極其周到手足極其勤勞故以大禹神聖亦嘗八年於外而後告厥成功非可以攝職兼營縹緲盡督是以雍正時特設水利衙門而以怡賢親王專司其事道光時特以江西巡撫程含章入爲工部侍郎專治河道祖宗成憲宜可遵循李鴻章身爲直督河務雖其職守然年過七十吏治海防以及總署洋務一切歸其區畫若更責以治河精力實有難支請旨另選中外大臣通達河務機宜者寄以此任俾之親身督辦時與李鴻章會商游其萬

全而後安瀾可卜庶於國計民生均資利賴 上諭給事中洪良品奏永定河連年決口請及時修治一摺著海軍衙門戶部工部會同妥議具奏○諭書等奏內閣鈔出光緒十九年九月二十三日內閣奉
上諭御史聯陔奏科場舞弊倖中多名請飭究辦一摺著派麟書徐桐調取本科順天鄉試中式舉人周學熙湯寶霖蔡學淵陳步燮黃樹聲萬航錄科卷與中式墨卷數對文理筆跡是否相符據實覆奏此次
覆試著禮部即將周學熙等六名先行扣除另行奏請定期覆試欽此欽遵當經咨行禮部去後旋據禮
部將該舉人周學熙等六名錄科卷並中式試卷封固咨送並據片稱二十四日覆試據周學熙黃樹聲
萬航三名取粘投卷業經扣除其湯寶霖蔡學淵陳步燮三名並未赴部投卷等因前來 等詳細數對
查得蔡學淵錄科卷文內誤字過多詩失粘四字文理與中式墨卷不符筆跡尙符黃樹聲文理尙符筆
跡不符萬航文理筆跡均不符其周學熙湯寶霖陳步燮等三名文理筆跡尙屬相符 等語將數對不
符之蔡學淵黃樹聲萬航等三名錄科卷並中式墨卷三套及數對尙屬相符之周學熙湯寶霖陳步燮
等三名錄科卷並中式墨卷三套分別粘籤另行封固隨摺呈 御覽俟 命下之日再由禮部照例
辦理 上諭麟書徐桐奏遵查試卷文理筆跡據實覆奏一摺所有文理不符之蔡學淵筆跡不符之黃
樹聲文理筆跡均不符之萬航均著斥革舉人其文理筆跡相符之周學熙湯寶霖陳步燮三名著禮部

傳齊奏請定期另行覆試○戊申諭裕祿等奏查勘 昭陵隆恩樓應修工程請擇吉興修一摺著欽天監於本年十月內選擇吉期先行知照卽著盛京將軍會同工部侍郎屆期敬謹興修

冬十月己酉朔時享 太廟 上親詣行禮○奎俊奏太倉昭文寶山鎮洋四州縣海塘疊遭風潮新出

險工前因需費較鉅擇其尙非十分急要者暫從緩辦其萬不可緩之工共估需銀九萬五千六百餘兩經前撫 剛毅於光緒十八年五月奏准於受益熟田項下每畝每忙攤徵八十文帶收兩忙先由江海關蘇滬釐局分成借撥濟用卽經飭令印委各員趕緊購料興修業將太倉州境之新經口海塘第十二段昭文縣境之第七八兩段寶山縣境之江東塘第一第二第六等段面塘五岳墩黃家灣及江東草港迤西丁家濱護灘工段鎮洋縣境之南塘第二段北塘第四五兩段及楊林口北岸各段格石土工一律修築完固其寶山東塘第二段內工尾七丈五尺因與第三段新工毗連故將舊有兩層格石一併分別換釘新樁排齊相接添石修砌第三段原估工長一百二十丈內自一百八丈起至一百二十丈止計十三丈塘身向裏凹進察看塘面至脚尙屬完好因飭毋庸修築又西塘五岳墩尾段並黃家灣頭段工長一百六十六丈原估疊砌護灘石坦坡一道正運石築砌突過風潮淘湧刷去塘外土坦坡高自三四尺至七八尺不等該段土塘向無格石迎溜頂衝易受損傷與前勘形勢略有變遷因於護灘石坦坡之外

加築靠灘石坦坡一道並修土塘以護塘身又於鎮洋北塘第四段新工五十丈之兩首加築單橋石盤頭五丈又楊林口北岸隨塘河通西灘地適當頂衝風浪洶刷形勢危險添砌護灘石坦坡一道並築石後土工長三十三丈以上各工於光緒十九年二月四月及五六等月先後報竣驗收如式此前次擇要估修各塘及增減工段丈尺現已陸續告竣之情形也太鎮昭文各塘原估緩辦之工彼時塘外稍有草灘情形尙非至急乃估工以來又隔一載有餘屢經風潮塘外灘地愈塌愈進形勢危險與現辦各工大略相同復據印委各員稟請接續籌修前來即經該司道等親詣履勘實勘得大倉州境海塘第一段西涇口塘外已無餘灘潮汐日薄塘腳本係極險之工前於光緒元年興築護塘橋石三層八十四丈兩層六十七丈距橋木年久朽復遭風潮摧折過半石塊挫卸石後土坍陷成槽其勢最險應換釘新橋兩層添石修砌橋內並橋外石坦坡築平石後土計工長一百五十一丈估需經費銀九千六百七十兩有奇又勘得鎮洋縣境楊林口北岸自七十七丈起至二百七十八丈止工長二百二丈尙有靠塘橋石兩層一百八十二丈三層二十丈其橋木亦因年久枯爛迭遭風潮多被衝斷石塊坍塌應換釘新橋兩層添石修砌橋內並橋外石坦坡築平石後土需經費銀一萬二千九百四十三兩有奇又勘得昭文縣境海塘第八段內東自新築護灘場工尾施家橋起西至老人澳新築橋石壩止共長二百十丈向無橋石

之工近年歷遭風潮塘外灘地驟脫逼近土塘情形岌岌可危應仿照舊工接築雙橋夾石觀湖壩一道並壘砌橋外石坦坡估需經費銀一萬五千一百三十一兩有奇又勘得華亭縣境海塘第十二段舊有外塘歷年既久逐漸坍塌前於舊工石壩以東增築純石斜壩三十八丈該處外塘尚有七十丈實爲正塘屏蔽近年坍塌日甚其最爲險要者新工以東之四十餘丈外面土塘有形無質一遇異常風汛必致坍塌無存應於新工斜壩以東接築純石斜壩四十六丈保護灘唇估需經費銀九百二十七兩有奇總計以上各工共估需銀三萬八千六百七十餘兩皆係撥節核實並無浮冒此復估未辦太缺昭文塘工及華亭第十二段外塘遂次接續修築之情形也所留經費前案撥徵兩忙因有吳淞江工費及上屆塘口徵收未清尙未能一律接徵其已從上年下忙起隨後帶收各縣現在解到亦尙有限目下司關釐局撥款浩繁而前項未辦塘工情形危險又係萬難再緩籌思至再惟有援照前案仍於蘇松太三屬受益熟田項下加展攤徵一忙先儘各屬解到之款撥用如有不敷暫由司庫撥法湊借藉資購料接修以竟全工據藩臬兩司會同水利工程總局詳請具奏前來奴才伏查太倉等各州縣前估緩辦之工現已一概有餘屢經風潮衝刷情形更屬危險萬難再緩自應接續興修俾蘇松太三屬民命田廬藉資保障所留工費司關釐局委難借撥再四籌商惟有援照前案仍以蘇松太三屬受益熟田項下加展攤徵一忙

將各屬現已解到之款先行撥用如有不敷暫由司庫湊濟以全要工仍俟收起攤徵木款再行分別解
還以清款項一俟通工告竣卽行彙案核實造報下部知之○庚戌諭御史龔鴻書奏科場交卷時刻請
申明定例以杜弊端一摺科場條例士子交卷本有限定時刻不得遲逾乃近來士習不如從前每逾定
限甚有遲至亥刻始行交卷者遂致弊端百出而該士子相沿成習視爲故常少加約束動易喧嘩監臨
提調監試各官亦多姑容寬假殊屬不成事體本科順天鄉試倅中三名業經查明斥革申明定例以戒
將來嗣後鄉試會試均著恪守定章按照例定時刻交卷不准給燭倘該士子不遵約束或有抗違卽該
斥革嚴辦如該監臨知貢舉提調監試等官有意從寬經朕訪聞或被入參奏定將該員等照例懲處不
貸懷之○諭御史龔鴻書奏請飭整頓場規一摺鄉試爲抡才大典必須場規嚴肅若如該御史所奏近
來江南士子接卷後紛紛出場午後始行陸續歸號甚至僕人攜帶考具入場且聞人出入漫無稽查以
致諸弊叢生實屬不成事體著江蘇安徽各巡撫嗣後辦理科場務須督飭提調監試等官申明例章嚴
加約束如有任意抗違者卽行斥革懲辦毋稍姑容以肅場規而杜積弊○邵友濂奏查閩省光緒十年
九月二十八日承准軍機大臣字寄九月十一日奉 上諭發往福建差遣委用之候選知府何澐簡臚
敢捏造保獎知府官階本已有旨革職拿問交刑部治罪該革員業已出京現已行抵何處著李鴻章

曾國荃楊昌濬盧士杰一體嚴密查拿務獲派員解部審訊等因欽此當經前閩浙總督楊昌濬通飭各屬嚴密查拿在案茲據代理淡水縣知縣翁秉鈞稟稱光緒十九年九月初七日該縣訪聞革員何澹簡來至臺北府城隨即親督差役密往查拿將該革員獲案訊明實係何澹簡取供附卷理合呈請奏咨并請派員解京等情前來查該革員何澹簡係奉旨拿交刑部治罪之人今既由臺拿獲自應派員解部審辦下刑部知之○雲貴總督王文韶因病乞休不允予假兩月調理○辛亥諭軍機大臣等本年安徽江西湖南甘肅等省被水被旱被風被雹均經該督撫等委員查勘即著迅速辦理並將來春應否接濟之處一并查明於封印前奏到此外各省有無被災地方應行調濟撫恤之處著該將軍督撫等一併查奏候旨施恩○以王毓藻為四川布政使○壬子命李鴻藻承修大高殿工程○甲寅兵部尚書烏拉喜崇阿因病乞休不允予假一月調理○乙卯以唐景崇為內閣學士○戊午慈福端佑康頤昭徽莊誠壽恭欽獻皇太后萬壽聖節上詣慈寧宮行禮○依克唐阿增祺奏黑龍江前送會典各圖冊程式不合經館指駁現擬籌款揀員另辦查上年案准會典館咨奉旨續修會典並發來繪圖表格式樣按照從速開辦彙成圖冊送館詞准咨駁二十一條限三箇月詳細另辦造冊送館惟黑龍江所屬呼倫貝爾布特哈興安各城向習滿文於漢文素少學習無論星度測量之法無人通曉即求一精通文

藝殫見洽聞者亦難其人况疆域寬闊山川荒遠履勘測繪既非朝夕所能成事而館駁圖冊逐條更須
詳細力求相符奴才等伏思此次既奉 諭旨重修會典鉅典煌煌不敢以邊地人員見識未充於館中
定章多不精透稍存敷衍遷就曾經奏懇 天恩展緩限期揀調內地精於測量天度及博通文藝殫見
洽聞各員到來襄辦庶比較踴躍依法測繪則人里烏里斜度高下按圖可稽而事例各冊亦因之更加
詳審實於邊疆重地永有裨益仰蒙 硃批著照所請該衙門知道欽此欽遵在案查據調各員業已到
差就省設局開辦惟條款較繁必須分別責任以求實效其精於測繪者疊經督飭攜帶儀器分往各城
周歷履勘測量天度山川城市繪冊去訖凡博通文藝殫見洽聞者現飭駐局責成撰辦圖說並沿
革事例各件該各員自遠調來膺此要差迥非尋常輕役可比舉凡局中應用者證書籍及心紅紙張新
水等項自應籌款酌給以資辦公嗣據八旗協領凌晉等稟稱黑龍江實無閒款可籌當經公同會議擬
由通省官弁俸餉項下酌籌辦理一俟事竣送館核准之日卽行停止至此款係官弁樂輸濟公之項應
請毋庸報銷稟請核奪前來奴才等再四思維既奉 旨飭辦鉅典自應欽遵辦理所請一切經費礙難
率請專款開銷既據公同會議擬由俸餉項下酌籌似屬以公濟公但事關俸餉未敢擅便相應據情奏
聞恭候 聖裁一俟 命下之日奴才等卽當欽遵照辦惟黑龍江疆域均關緊要無論山川如何險

阻人跡不到之區務飭設法取勘測繪成圖確實注說以備詳考既擬據員另辦尤應詳益求詳以垂久遠如果該員等辦理草率必不稍涉寬容倘著有成效悉符館章似亦不無微勞足錄當必分別勅諭以示觀感而便策勵仰副 聖主重修鉅典實事求是之至意得 旨如所請行○己未諭軍機大臣等御

史鄭思賢奏運河水涸糧米不能挽運民食日艱請飭迅速籌辦一摺據稱近日京城糧米日見缺少實

因運河水涸所有南米白米雜糧百十萬石船至楊村不能前進著李鴻章迅速添派營兵數千名將各

口門壅日堵合並挑挖河身停蓄水勢以利舟行一面趕緊設法剝運糧米以濟急需○諭軍機大臣等

嗣後著戶部按年於各省關項下另籌銀五十萬兩解交內務府應用○壬戌諭容寶等奏武關人數不

均據實陳明請旨飭查並申明舊例一摺著兵部順天府查明覆奏○癸亥雲○諭給事中唐椿森奏科

場積弊甚深請嚴飭剔除積弊一摺著禮部議奏○甲子以軍機處繕修漢字檔冊工竣予內閣侍讀連

文冲等升敘有差○乙丑賞給京師八旗練步各營官兵半月錢糧開散宗室覺羅人等一月錢糧○丙

寅沈秉成奏光緒十五年十月准會典館咨頒行 欽定輿圖格式限期一年測繪省國府直隸州州

縣圖各一分附以圖說解送到館等因當經行司通飭遵辦嗣據各屬繪道府州縣總分各圖核與會典

館章程格式多不相符未能精審訪問安徽本省亦少熟諳地理兼工測算之人堪以勝任其事 旨招致

同治初年承繪江蘇全省與圖員紳購置器具在省城設立公所派委司道總理籌款議章令該員紳帶同勘丈書算人等前赴皖南皖北分爲兩路次第測量十七年四月復准會典館咨行續定章程表格令於各府州縣城池所在實測天度經緯以爲開方計里之根仍擇高山大川或鎮市要區再測二三次得數幾度分秒逐細列入表中宜詳毋略等語是不專以地盤爲準而以測天定度爲第一要事使之參合成圖期有實際惟派出各員紳內用其所長詳於地而略於天勢雖求全責備延訪精通算學熟習天文之人一時既難其選而測天應用儀器亦巨木易購求安徽與五省毗連周圍有數千里水則江淮二瀆經行之地綿長與巢湖洪澤湖及各支河道逶迤相通汶港紛歧源流曲折山則徽州池州甯國等府州屬高嶺重崖逶迤銜接綿亘數百里徑路紆回安慶六安等府州屬亦復岡嶺相連地多扼要但就測地而論須將巨細水道支派勘明而詳其匯注分流之蹟大小山形根盤量定而究其高低斜廣之程次及鄉鎮村莊圩堰津渡一一考實依率爲圖以期方向不差里數可合凡其致力之處多在曠野之中每逢雨雪泥塗卽難措手曠日事出有因至會典館頒發續定章程表格已在原限一年之後較之初次定章更爲精密轉飭遵照辦理已據此須復量已測此須重測現行通省輾轉當時現在各府州縣地盤測量齊全詳註在冊應冊算計方里格式繪畫所有縮圖辨圖及繪草繕清單等事均極繁重雖已粗有

規模尙須詳加考核若夫大度經緯非得其人無從下手測大各種儀器亦非得有解人不能運用如法
臣訪聞湖北測天最事度數精詳兩商湖廣督臣分派熟識測天紳士四人並借用所置西洋經緯儀度
時表空壳風雨表測向測高儀器各二具攜帶來皖飭委候補知縣劉鑾督同該紳等專測大度經緯安
徽八府五直隸州四州五十一縣仍分南北兩路至各治所恪遵會典館所指各項周歷實測使與地形
合參不致差誤其事精微重要非數月所能速成加以租就地圖悉心校勘府直隸州圖詳記爲說州縣
分圖列敘爲表至速再須年餘方可一律告成擬請自本年七月起展限一年據提調與圖事宜候補知
府楊奎綬詳由總理與圖局藩司德壽候補道朱文藻會詳聲明開辦以來所用員紳人等薪水夫馬等
費概由省城籌給無畧州縣合計用款頗鉅由釐金項下撥節支事竣據實造報請銷等情詳請奏咨
前來臣查安徽地處要衝幅員廣闊測繪與圖一事爲國家考證所取資亦於地方政治民生利害得
失關繫匪輕必求精確無差有裨實用察核司道等具詳各節委係實在情形自宜審慎周詳寬以時
日方無草率外錯可免駁查合無仰懇 天恩俯准自本年七月起展限一年俾得細心測繪以昭慎重
仍由臣隨時督飭認真趕辦不令稍有耽延下所司知之○予故廣東水師提督方燧於原籍廣東建祠
○予故雲南布政使曾紀鳳事蹟交國史館立傳○戊辰論慶裕奏熱河兵米擬請採買仍放本色一摺

熱河旗營兵米著照所請准其循照成案飭商採買仍放本色該都統當嚴除弊端毋使商民稍有苦累
餘著照所議辦理該部知道○予浙江山陰縣節婦朱李氏旌表○鯨德祥奏臣竊維全蜀富庶百稱大
府之國得廉公忠潔之臣出而撫綏安全其民則屹然為吾雄海魚肉而擾之亦反覆易以生亂今督臣
劉秉璋治節最久饗譽最甚由其用人最私是以侵牟百姓最酷臣若不舉發恐未敢有言之者矣故據
所聞列款糾參恭候 皇上宸斷以行大法一查劉秉璋自巡撫江西時即已過事敷衍並無實心為民
之政江西士民甚薄之然尚未以貪著也及升任四川總督信用候選道徐春榮署提督錢玉興二人託
以心腹假之事權實弄招搖收受賄賂始猶跡涉疑似久之則奔走徐春榮錢玉興之門關說差委絡繹
如市恆晝夜行則牌札晨得貪盤流聞之初當時兩司中亦有心知其不可者曾向劉秉璋微言中之而
劉秉璋猶飾詞支拒其說以為飛語浮言殊不可信於是徐春榮錢玉興益無所顧忌人遂疑劉秉璋亦
愛錢矣一徐春榮邪佞狠賤庸鄙已極獨能窺伺劉秉璋是一好諛喜佞而貪賄之人遂以居間受金之
術自薦劉秉璋大好之乃認徐春榮為乾女婿而交益密錢玉興係捻匪頭目當初降時以金帛數十鉅
駝投獻劉秉璋因緣保至江西總兵錢玉興以為幣重酬薄不滿夙望要求不已劉秉璋亦愧為及移川
督挾以俱西不得不為之奏署提督而聽其所為實亦即各飽所欲吏道因之穢濁劉秉璋遂甘以此身

爲辭繁並無足將自止之時一查劉秉璋年來凡題補委署文武員缺傳聞多由徐春榮錢玉興賄說而行缺論價其應如數省城遂有徐杏林堂玉興錢店包管開兌之路杏林者春榮別號也如撤任富順縣署成都縣陳錫鬯之無端飭回本任遂留縣之越補黃允欽新都縣之越補余雲池暨縣署理江津縣之錢少松蜀中口語藉藉確指爲徐杏林堂玉興錢店賄兌之驗其先後所得贓銀悉交爲厚協同慶等銀號存記此不能掩人耳目者也錢營之徒既與徐春榮錢玉興狼狽相資以爲奸利於是陳錫鬯黃允欽高培榮費秉寅李玉宣國璋等或串贖奸商夥開票井籠取撥隨計岸生理或置買田產濫刑苛斂有五虎十三彪名目惡聲狼籍騰沸人口劉秉璋何以亦毫無覺察此不得諉爲不知一查四川官運鹽局每年提存護本銀六萬兩十餘年來計應存銀六十餘萬兩該局委員歷年皆險蝕此項息銀劉秉璋覺之將按其事局員窘急盡將此存銀六十餘萬兩如數送交劉秉璋私室謂爲壽禮查此項銀兩本不報銷是以局外無從稽核劉秉璋受之亦以爲暮夜無知之者彼不料四川官吏知之商民知之並京師亦知之臣今德揭之則朝廷又知之侵吞至六十萬數非尋常貪婪之可比律以理法豈復可原至道員徐春榮身在督署紳士葉毓榮掌教成都並無殊功皆以馬邊雷波兩屬剿夷等案濫保二品頂戴則爲欺枉葉毓榮係安徽人劉秉璋以鄉里任用之人至爲官員請託受賄不數年間積貲以十萬計則

爲縱容諸如此類殆難悉數矣臣列參至此或將疑其過於峭刻然臣復聞之四川州縣所在設有嚴禁
民人私卡名目繁多凡詞訟案件未經審訊悉先收卡刑拷勒索至於瘼斃不知其數如陳錫壘在富順
縣八九年間死於卡禁者相傳至于數百命黃允欽在遂寧縣縱令子姓丁役賣案索錢富堂主斷甚至
誣良爲盜號曰破案開花此官吏之貪酷也其各處防營弁勇與游民約盟糾黨勾結成風縣通會匪嚙
愛方大該匪近年竟敢倚官恃營劫掠婦孺悍然勒索一聞接童子擡觀音口號莫不怛然失色今年四
月至有營官之子敢於省城糾匪殺人官亦竟無過問者良懦震慄不能聊生此營匪之橫暴也尤有法
者成都府州縣屬劫盜鉅案層出歲至數百而官不知也崇慶州城內搶劫典舖城外焚掠市鎮新津縣
賊衆圍城至逾半月而官不報也三邊夷匪蹂躪場鎮圍攻甯遠羽書告急而兵不赴剿也劉秉璋受
皇上厚恩爲川蜀重臣若果昧天良至此我皇上將立敕法司行法豈容倖免顧臣嘗綜觀前史其過
節重帥藥案侵冒及至貨賄如山冤魂塞路則大亂往往乘隙而生蓋其所處心積慮悉貪戾不平之氣
與禍患相滿盈如劉秉璋者卽爲四川留遺患氣者也然則刻剝酷虐惟埋剽劫侵軼賊害於四川百姓
今不堪命矣總督將安逃罪夫彈違糾愚臣之職也摘伏發奸臣之志也其必於力持是非者奉朝廷
之法也其敢於掎擊樞強者恃聖明之斷也是否有當伏乞皇上聖鑒訓示施行上諭軍機大臣

等有人奏四川吏治蠹蝕汗濁請飭查辦一摺據稱四川總督劉秉璋信用候選道徐春榮營提督錢玉興二人招搖納賄知縣陳錫等聲名狼籍官運局本該委員使蝕餽送又所屬州縣設立私卡規斃民人防營弁勇暗通會匪劫案疊出列款糾參等語著譚繼洵馳驛前往四川確切查辦據實具奏原摺著鈔給閱看將此諭令知之○邵友濂奏臺灣雲林一縣向在林圯埔建治業經前督撫臣奏明有案茲查林圯埔追近內山氣局偏小催科撫字時有鞭長莫及之虞前據代理臺灣府知府龍景惇轉據紳董鄒芳春等以林圯埔相距二十五里之斗六地方村落相連人煙稠密田土膏潤形勢適中稟請將縣治移設該處當經批飭核議嗣據臺灣府知府陳文驛前往查勘該處地屬中央西螺埕庫他里霧林圯埔環其四隅爲雲林扼要之區南至嘉義北抵彰化東入山西至海道途遠近相若足資控制且斗六門舊有都司一員文武同城遇有會商亦甚便利惟城工需費浩繁現擬暫植竹園併建置四城門樓以資捍衛衛署廟宇一切亦擬次第興造前項工程先由該處紳富勸辦如有不敷再請公帑衛署未造以前暫以昭忠祠爲棲止至林圯埔地方空虛應否添設佐雜分防俟察奪情形再行妥籌辦理等情稟由臺灣布政使唐景崧會同臺灣道兼按察使銜顧學熙詳奏咨立案前來臣覆查臺灣分設行省事多草創建治移駐原爲吏治所關雲林縣治既據該府陳文驛覆勘以移設斗六地方爲宜所專各節亦尙妥治似

應准如所請除將林圪埔應否添設佐雜分防併移設縣治未盡事宜批飭府察度情形另行妥議辦理暨分咨各部外所有雲林縣治移駐斗六緣由伏乞 飭部立案施行下部知之○庚午以文瑞爲馬關鎮總兵兼總管內務府大臣○以德魁爲正黃旗漢軍副都統○張聯桂奏查明永淳縣災狀請將本年丁米分別蠲緩允之○甲戌許景澄奏甘肅新驛省南路以和闐州爲極邊其地西南界印度南通後藏境內大山自葉爾羌分支東行綿亙二千餘里西洋人通稱爲崑崙山卽漢書西域傳所稱南山也漢時自玉門陽關從鄯善傍南山北波河西行至莎車爲出西域之南道自唐而後鄯善以西諸國皆淪入沙磧其道遂塞今攷輿圖自克里雅回城以夷悉係大戈壁新驛識略亦稱和闐以南皆大山沙磧路不復通故情形莫得而詳光緒十年俄國武員薛古瓦爾斯基始自羅布泊西南沿河以達克里雅所屬之策爾滿地方再循山之北麓適遇至於和闐正與漢之南道相合歸而作記頗稱崑崙山金鐵之旺十六年俄國地理會復遣鐵學人博格達諾委趙前往該處詳測金鐵所在留住幾及一歲著有圖說俄人重而秘之經臣處洋編譯官金楷理轉覽獲將其要節詳述據言西起哈耶耶歸山東抵羅布泊產金之地就所已悉者有十二處計自和闐州至克里雅城得鐵三處曰玉龍哈什河曰策勒村曰克里雅自克里雅以東得鐵五處曰索爾曼克曰烏魯克河曰關帕曰莫羅扎河曰池日干河以上均在崑崙山北麓迤

山而南得鐵一處曰坎波拉克凡九處皆爲該俄人親歷又極東在賀爾滿一帶未經赴探者得鐵三處
曰松達列克曰託爾肯散曰阿克塔克每一處之鐵又各析有數處十餘處不等其金砂或凝結巖壁或
隨水衝注散在湖河之中諸鐵皆經淘挖無水之地則用風簸其內索爾曼克關帕二處土民赴探者約
及二千人日可出金五十餘兩其金往往售諸印度若以洋法開探出金尤必增多此山內鐵地之大略
情形也該俄人許內又言俄主大彼得時即聞其地產金欲自中亞細亞通道卒不能達迨回會阿古柏
佔據喀什噶爾令民所挖鐵金官爲收買稅其十分之二當時養兵之費賴以取給同治十二年英使福
舍至喀什城會派人赴索爾曼克關帕等處查察金苗光緒十一年俄領事撤特羅夫會將崑崙山產金情
形密報外部核其砂淨質重實出烏拉嶺暨英美新舊金山之上尤爲五大洲之冠等情伏查新疆邊外
自俄人弱食回部落離久撤涉車和關等處復與英國屬地相接故南路邊防在今日尤爲扼重近歲俄
兵入帕益益南牧與英爭因都康什之險漸有通道西藏之志和闐南山一帶地勢適介其衝山中金穴
尤動彼以可欲其屢次遣員游歷名爲攷察方輿實則覬圖利便該處又與英界接壤未經勘定英人心
計絕精亦未必無所垂涎前黑龍江省之漠河金礦與俄境隔江相望經李鴻章招商開採以杜窺伺迄
今已有成效今和闐形勢更偏鑛產更富大山深阻徒衆麇聚官司稽察所不及營汛巡歷所難周若不

早謀措置難保不旬結他族滋生事端遠慮近憂皆不容忽且控馭疆兵力不能不厚該省餉源動輒各省協濟稍議增兵輒苦餉絀誠能就已開鑛地山官設廠經理數年而後財用漸裕尤可冀塞上之餽贖省中原之輸輓籌邊之謀莫利於此惟籌辦開採必以查勘鑛地爲先務似應按照該俄人所述各鑛情形覆加察看庶於邊情地利得有確證可否請 旨飭下總理各國事務衙門行商新疆巡撫飭查之處伏候 聖裁除照譯俄人博格達諾夫趙說略并摹繪總分各圖咨送總理衙門備查外謹繪圖貼說恭呈 御覽又奏俄國悉畢爾鐵路於光緒十七年間議定東西分段起築西段由茲拉托至車里雅漢長一百五十三俄里東段由海參崴逆築而上至格喇甫長三百八十三俄里曾由臣繪圖繕說具奏在案茲查西段茲拉托至車里雅漢之路已於去年秋間竣工旋議由車里雅漢接築至鄂穆斯克計長七百四十七俄里其運土填路工程現在約竣其半由鄂穆斯克至鄂畢河長五百七十九俄里現派監工將次料理又東段海參崴之路自前年俄太子經過時蒞視開工至本年七月間填路及造橋工程已成十分之七並安設鐵軌八十八俄里其由格喇甫以至伯利省城係歸入第二節工程尙須數年後興辦以上情形係據俄戶部工冊暨近時日報所述所有俄里每當中國二里謹附片陳明伏乞 聖鑒得旨該衙門知道○追予故總兵陳德厚祭葬○丙子四川越嶲營參將何長榮稅務司赫政與英國特派

政務司保爾在吉嶺議定藏印通商交涉游牧條約九款又續款三條成其文曰光緒十六年二月二十七日即西歷一千八百九十年三月十七日藏印立約未結通商交涉游牧三款現已議訂章程接附前約 通商 第一款 藏內亞東訂於光緒二十年三月二十六日開關通商任聽英國諸色商民前往貿易於印度國家隨意派員駐寓亞東查看此處英商貿易事宜 第二款 英商在亞東貿易自交界至亞東而止聽憑隨意來往不須阻攔並可在亞東地方租賃住房棧所中國應允許所建住房棧所均屬合用此外另設公所一處以備如第一款內所開印度國家隨意派員駐寓其英國商民赴亞東通商無論與何人交易或賣其貨或購藏貨或以錢易貨或以貨換貨以及僱用各項役馬夫脚皆准循照該處常規公平交易不得格外刁難所有該商民等之身家貨物皆須保護無害自交界至亞東其間則熱打均等處已由商上建造房舍憑商人賃作尖宿之所按日收租 第三款 各項軍火器械鹽酒各項迷醉藥或禁止進出或特定專章兩國各隨其便 第四款 除第三款所開應禁貨物外其餘各貨由印度進藏或由藏進印度經過藏哲邊界者無論何處出產自開關之日起皆准以五年為限概行免納進出口稅俟五年限滿查看情形或可由兩國國家酌定稅則照章納進出口稅至印茶一項現擬開辦時不即運藏貿易俟百貨免稅五年限滿方可入藏銷售應納之稅不得過華茶入英納稅之數 第

五款 各項貨物到亞東關時無論印度貨物藏內貨物立當赴關呈報請查開單註明何項貨物多少及分數若干價值若干 第六款 凡英國商民在藏界內與中藏商民有爭辯之事應由中國邊界官與哲孟雄辦事大員面商酌辦其面商酌辦者固爲查明兩造情形彼此秉公辦理如兩邊官員意見有不合處須照被告所供按伊本國律例辦理 交涉 第七款 印度文件遞送西藏辦事大臣處應由印度駐紮哲孟雄之員交付中國邊務委員由驛火速呈遞西藏文件遞送印度亦由中國邊務委員交付印度駐紮哲孟雄之員照章火速呈遞 第八款 中印兩官所有往來文移自應謹慎呈遞及來往送信之人亦應令兩邊委員照料 游牧 第九款 從亞東開關之日起一年後凡藏人仍在哲孟雄游牧者應照英國在哲孟雄隨時立定游牧章程辦理凡該章程內一切須先臚論通知 另款 第一款 中印各駐紮委員如有遇事意見不合之處應由各委員呈報該管上司議辦倘該上司意見仍屬不合應由各上司請示本國國家議辦 第二款 自此次條約議定之日起於五年後如查其中有應行變通更改之處必須於六箇月之前聲明以便兩國各派員議辦 第三款 藏印條約第七款內載由中英各派員將第四五六三款聲明隨後議訂各節公會商等語現經兩國派員公同將以上通商交涉游牧三款議訂九條並續款三條聲明應與原約視同一律其實力奉行之處亦與逐字載入原約

無異彼此會同書押爲憑○諭軍機大臣等戶部奏預撥來年京餉一摺擬在地丁鹽課等款內指撥銀七百萬兩著於來年分批解解另片奏光緒二十年內務府經費擬撥加東鹽課銀五萬兩著於來年開印後陸續徑解內務府交納將此諭令知之○丁丑諭軍機大臣等鴻臚寺卿劉恩溥奏永定河合龍保案投効人員嗣後不准優獎等語著吏部議奏○諭順天府奏查出私造印信牽涉武弁請旨交部審辦一摺官吏私造印信大干法紀而應確切根究以期水落石出京營候補備理光宗著交刑部嚴行審訊在逃之李香圃著河南浙江各巡撫飭屬嚴拿務獲解部歸案審辦○是月比利時國使臣陸爾榮回任○日本國以小村壽太郎來署使事